

摘藻堂四庫全書薈要

子部

欽定四庫全書薈要卷一萬二百十五

子部

太玄經卷四

漢 楊雄 撰

晉 范望 注

從迎至昆第四

䷗

二方二州
二部三家
迎 地玄陰家六水
中上象咸卦

陰氣成形乎下物咸遯

而迎之

行屬於水謂之迎者言是時陰在物初六始卦
用事日以消陽形成於三陰息物哀向而迎之

故謂之迎迎之初
一日八鬼宿一度
初一迎他匪應無貞有邪

五為君他為
二也二者火

也一為水水在水行近欲迎二火水相
克故不應也五位不正故曰無貞也

測曰迎他匪應

非所與并也

水火相害不可相并也

次二蛟潛于淵陵卵化之

二

甲蛟龍類也二在水下故曰蛟潛蛟潛於水產卵高陵下復於淵家性為迎氣應相感然後剖化猶君臣父子

以道相感精迎誠致不言而動也

人或陰言百姓和之

人為五也陰首所抑故稱陰也

位尊令行故百姓和之有似大舜幽耕於野言加二妃天民乃至也

測曰蛟潛之化中精

誠也

中誠所感化大行也

次三精微往來妖先靈覺

三木也水之所生精誠微

感不言而至子母之恩靈神也神之所感妙物為言事之妖祥神所先覺信以禳災此之謂也

測曰精

微往來妖咎徵也

咎徵雖見信攘之也

次四裳有衣襦男子目珠

婦人嚏鉤貞

四金也水之母母子相養猶衣裳相扶也水中之金故為珠金而陰曲鉤之象也四

為少女金剛稱男男女女之道不有私議今而相目有珠鉤之資非所以遠嫌也衣裳有制珠鉤有度雖不相交

錯不失其正故貞也

測曰裳有衣襦陰感陽也

傾以珠鉤相感之謂也

次五

黃乘否貞

五天位也在中為黃乘乘四也六陰在上四親乘之金不合化故否以陽乘陰貞也

測

曰黃乘否貞不可與朋也

君道尊貴不可與為朋友之交也

次六玄黃

相迎其意感感

六為宗廟天玄地黃天地相迎則風雨時調君臣相迎則政教以度天地相感

故重感也

測曰玄黃相迎以類應也

玄黃五色推類求也

次七遠之眎

近之梧迎父迦迨

迦迨迨解脫之貌也詩云見此迨迨此之謂也七為六父六水七火火

近於水水則焦遠於水火則炎熾熾怒故有梧擊之言而在迎家故相奉迎解脫之意以相化導如父子也

測曰遠眊近倍失父類也

類法也水性曲直而七炎上故失其法則也

次八

見血入門擁迎中庭

八為門血以諭憂擁得血則憂得賢則解家性為迎故迎賢者近於

中庭以解憂也

測曰見血入門以賢自衛也

恐九克之故以七自衛助也

上

九濕迎牀足罩于牆屋

九金也在水之行故濕也家性為迎在內稱牀親迎內出故稱

足也罩覆也牆屋諭尊以卑覆尊以貴下賤有似初婚夫下婦也

測曰濕迎牀足願在

內也

親迎所願當內出也

䷋

二方二州三部一家遇

地玄陽家七火上下象始卦

陰氣始來陽氣始往往

來相逢

行屬於火謂之遇者謂此時微陰初起與陽相逢以貴下賤有似初婚夫下婦也最謂之遇遇

之初一日入柳宿一度

初一幽遇神及師夢貞

一稱幽幽思也不見稱神幽而不見

故遇神也師衆也憂思神道若夢見之故及夢師也貞正也夢不違道故貞也

測曰幽遇神思

得理也

雖夢猶正故得其理也

次二衝衝兒遇不受定之諭

二火也二

在其上為水作父然水克火火不制水猶衝衝之兒不受父訓故言不之諭也不之諭不可教諭也

測曰

衝衝兒遇不肖子也

不可教訓不肖子也

次三不往來不求得士

女之貞

三為進人進德修業在於遇世故不往來無求於時亦木之往處深則大而上度之以為器物

猶君夫之求貞良以為臣妾臣妾無求君夫之義故士女之貞也

測曰不往不求士女

則也

不二其德是其法則也

次四個兌人遇雨厲

四金也為火所克故四個

也兇為巫在於火世火盛金
衰故遇雨而個個非誠心也
測曰兇人遇雨還自賊也

雨則濡濕賊
於巫者也

次五田遇禽人莫之禁

五為土在火之行
火行土上田之象

也田而遇禽何禁之有猶士
遇知己必得天祿無禁止也

測曰田遇禽誠可勉也

自可

勸勉不倦
倦怠也

次六俾蛛罔罔遇螽利雖大不得從

俾使也六
為螯故稱

蛛蛛蜘蛛也使蜘蛛設罔而得於螽斯螽螯
蟲也所以不能制雖以為利不得從而取也

測曰蛛之

罔害不遠也

得螽失取雖失
其利害不遠也

次七振其角君父遇辱匪

正命

八為七父七者火而過於木炎上上火父母之道
匪命不前火性炎上上迫其木焚燎枝枚故過辱

也角以害人既害
且危故匪正命也

測曰振其角直道行也

無有正命故
直其利害不

遠次八兩兕鬬一角亡不勝喪八為龍九為虎龍虎者獸之貴者也在過之世

當養其牙角而已今而合鬬故稱兕也金克於木故龍亡角終見克害故不勝而喪也測曰兩兕

鬬亡角喪也爭非其道故喪亡也上九觝其角遇下毀足九金也克害於

八故觝其角也家性為遇足謂八也測曰觝其角何可當

也角折足毀故不可當也

二方二州三部二家竈地玄陰家八木陰雖沃而灑之陽猶執

而蘇之行屬於木謂之竈者夏至氣終此首次七小暑節起於此首次八陰陽之氣更相沃灑化銍若

竈故謂之竈竈初一日入柳宿六度初一竈無實乞于鄰陽為實陰為虛一水也水是竈

中之用陽當消退故曰無實家性為竈以測曰竈無實
烹飪生物共於渠盛今無實故乞於鄰也

有虛名也

無實於事故有虛名

次二黃鼎介其中裔不飲不食孚

無害

二火色黃白介大也裔餘也孚信也木火會合烹飪腥物而不於竈故言鼎也宰和得節美味逾時

而不敗饗以薦至尊故無害也福施於下故中有餘也

測曰黃鼎介中廉貞也

不敢

饗食故曰廉也

次三竈無薪黃金瀕

三為薪言無者有材不用也竈不用薪猶國不用祿

以養賢也薪而不用金焉虛廢故生土穢在瀕渚也

測曰竈無薪有不用也

言有賢不

用次四禹實之食得其勞力

陰稱小亦為釜土上之釜釜而小者知為禹也四為

公侯在竈之世方進鼎足故先在禹和齊五味賞不失勞故言得其勞力也

測曰禹實之食

時我奉也

我為五味以奉祿秩賢臣也

次五鼎大可觴不齊不莊

五為

天子故稱大鼎古者天子世孝天瑞之鼎諸侯世孝天子鑄鼎以錫之五據尊位得奉鼎觴賜其國則宜齊莊以奉天祿今不測曰鼎大可觴饗無意也

受祿不敬故無意也

次

六五味醑調如美如大人之饗

六為宗廟又為大水家性為竈志則為用故有

釜鼎調齊之象五味得當則孝子所以事宗廟測曰味醑之饗宰輔事也

祿由君出

以宴羣臣宰輔之善事也次七脂牛正肪不濯釜而烹則歐歔之疾

至七為大所以成熟牲體今以脂肪之肉必當漂濯釜鼎以煮滌之今而不為故生疾也七為暇歐歔吐逆

之聲也不濯不清故致疾也

測曰脂牛歐歔不絜志也

器不洗濯不絜清也

次

八食其委雖噉不毀

噉不正之聲也食人之祿必憂人之難道合則輔之不合則去不宜

見其不正而不爭也

測曰食其委蒙厥德也

乎以正君故蒙其福也

上九竈

滅其火唯家之禍

九金也九生水水性為竈竈須火者而中有水故自滅其火也火而自滅

妖惟不祥家之禍也國亦須賢者賢而自滅亦國之禍也滅賢謂若紂殺比干之類也

測曰竈滅

其火國之賊也

言賊賢也



二方二州三部三家

大

地玄陽家九金上上象豐卦

陰虛其內陽逢其外物

與盤蓋

行屬於金謂之大者謂是時陽氣在上將虛鬱而退陰氣在內逢迎而上萬物敷布盤桓茂盛

若車之蓋故謂之大大初一日入柳宿十度

初一淵黃洋包無方冥

一水也故稱淵此金

世金生水子母共位故潢洋也深大之淵
衆物所歸包裹而藏之無有方外故冥也

測曰淵潢洋

資裹無方也

所包者廣故無方也

次二大其慮躬自鑢

二為平人不隱不仕

故大其慮也鑢以治邪躬身也自治其身以待升舉今而陽消陰息惟身未升階故大守思慮修身而已陰為

思陰當侵陽也

測曰大其慮為思所傷也

故為思所傷也

次三大不大

利以成大

三木也而在家不敢自矜常自謙約故成其大也

測曰大

不大以小作基也

謙以致光故以小作基也

次四大其門郊不得其

刀鳴虛

金性剛強而刀為金利徒自夸大不守以謙故不得其利也

有其虛名故稱鳴不守以實故虛也

測曰大其門郊實去名來也

無實有名失道

義次五包荒以中克

五君位也包有四荒故曰包荒周禮有荒服朝見無常數天位之所

臨亦由是也克能也包有四荒故能治天下之民事也

測曰包荒以中督九夷也

謂四荒之外也

次六大失小多失少

六水也水之所失在於隙穴事從細生禍由微起者

也

測曰大失小禍由微也

從微細而起之也

次七大奢适自削

以觚或益之鋪

觚法也鋪賜也此本金行七者火也火盛金衰故不宜自大奢适於法能自削

小垂於法度故有益之賜也

測曰奢适自削能自非也

能自削小自非責也

次

八豐牆峭趾三歲不築崩

豐大也峭峻也趾足也謂基也三終也牆大基峻若不終

歲加之版築故有崩墜之憂猶君子之道不隆其本未必危也

測曰豐牆之峭崩不遲

也基趾不同上九大終以蔑否出天外家性為大終於自大蓋以否也

荒服之外天恩不加故為天外也雖性自大終守以小故不出也測曰大終以蔑小為

大質也積小為大之本質也

䷗二方三州廓地玄陽家一水陰氣應而愈之陽猶恢

而廓之行屬於水謂之廓者應猶協也愈猶合也言是時陰氣和協而合同當上而合同陽尚恢廓未

有哀損之氣故謂之廓也應愈二字皆心者故初一廓宜以和協言之也廓之初一日入柳宿十五度

之恢之不正其基一在水行二水朋合狀若江海故恢廓也廓大之家其本不同水性不動

故不正也測曰廓之恢之始基傾也基而不正故危也次二金榦玉

楨廓于城

金玉者皆其美質也火不好水雖有美質恐見克害故廓于城以自固守也

測曰

金餘玉楨蕃輔正也

以城自衛猶以賢自輔也

次三廓無子室石婦

木生於水為四所克雖自廓大不能生長故無子也婦而無子陰不合也故謂之石也

測曰廓無

子焉得後生也

婦比之石故無後生也

次四恢其門戶以御寇虜

四為門二為虜家性為廓每輒恢大恐二克之故大測其門戶以義為固四為兵甲門戶有之故用御衛也

曰恢其門戶大經營也

廣恢門戶自經營也

次五天門大開恢堂

之階或生之差

五為天子故稱天門見在其位故曰恢堂也差過差也登階上堂據有四方非

聖不立故過差也行或可生也

測曰天門大開德不能滿堂也

恢堂至高唯德

能居也

次六維豐維崇百辟馮馮伊德攸興

六為宗廟故為豐也神靈高遠

故維崇也辟君也馮依也伊猶是也宗廟維敬以禮奉神故百辟卿士莫不依歸是德之所興也

測曰

維豐維崇茲太平也

此太平之道也

次七外大扡其中失君子

至野小人入室

水克於火火藏水消故外扡也君子之道唯善是務今在廟家而失中道故

隱野也君子不居故小人進也

測曰外大扡中無人也

無君子之人也

次八廓

其外虛其內利鼓鉦

震為雷故稱鼓鉦之形象內虛外廓鉦以為節故利也

測曰

廓外虛內乃能有聞也

鼓以為節聞遠之謂也

上九極廓于高庸

三歲無童

高而無民極上則顛三者終也上處高庸故終歲無童僕也

測曰極廓高

庸終無所臣也

無僕故無臣也

䷋

二方三州一部二家

文

地玄陰家二火下中象渙卦

陰斂其質陽散其文

質班班萬物粲然

行屬於火謂之文者言是時陰氣斂其形質陽氣發而散之華實彪炳與

有文章故謂之文文之初一日入星宿四度

初一祿禋何縵玉貞

一為下人隱於九品

之中下而懷文章尚於素朴人莫知之自守如玉故曰玉貞也

測曰祿禋何縵文在內

也

衣繡尚縵故文在內也

次二文蔚質否

二為平人不仕不隱故文蔚也文蔚守質不樂

進道故否也

測曰文蔚質否不能俱睟也

文質不同故不純睟也

次三

大文彌樸孚似不足

木故稱樸樸而質素故似不文也言似者非不足故稱大文也 測

曰大文彌樸質有餘也

文如不足故有餘質也

次四裴如邠如虎

豹文如匪天之享否

家性為文四西方也故稱虎豹虎豹獸類也虎豹之獸以其文貴裴

邠者文盛貌也雖其文盛猶不及天文以五行也

測曰斐邠之否奚足譽也

足不

以比天文也

次五炳如彪如尚文昭如車服庸如

五處天位車服以庸

據位正炳如也順其本性彪炳有文為國之光故昭如也

測曰彪如在上天文炳也

文章與然彪炳可法也

次六鴻文無范恣于川

鴻大也范法也六為宗廟宗廟之中

禮以輔成在文之世故曰文文章與然故無法也

測曰鴻文無范恣意往也

如川

之流從所授也

次七雉之不祿而雞蓋穀

七為雉雉有文章而遠在野雞而穀食退

而錄繆違其家性也

測曰雉之不祿難幽養也

質勝文則野故養難也

次八

彫載穀布亡于時文則亂

八木也穀善也木見彫刻為載麗之事雖見小善傷于農

故布政亡也苟尚文飾以階於亂故言亂也

測曰彫載之文徒費日也

彫文刻鏤

傷農事也

上九極文密密易以黼黻

九在文家而為之終極文飾以妨於農事故

易以黼黻黼黻祭祀之服而致美乎黼冕此之謂也

測曰極文易當以質也

祭服雖文

孝子質也



二方三州一部三家禮

地玄陽家三木下上象履卦

陰在下而陽在上上下

正體物與有禮

行屬於木謂之禮者小暑節終於此首之次二大暑氣起於此首之次三斗指

未林鍾用事陽在上將退陰在下將進進以諭賓退以
為主主下以賓賓主之義獻酬以禮故謂之禮禮之初
一日入張
宿二度
初一履于跂後其祖禰

一為下人而在木行在下稱足陽道將退

故稱履足履大木故跂也二為禰三
為祖一最在後故曰後其祖禰也

測曰履于跂退其

親也

不及其祖故親退也

次二目穆穆足肅肅乃貫以棘

二為木二畏于

水故穆穆也肅肅敬也家禮揖讓有度故足
肅肅也棘赤心也敬由心出故以棘諭也

測曰穆穆

肅肅敬出心也

肅誠之意貫於中誠也

次三畫象成形孚無成

三為

木木為貌家性為禮禮合必以貌故以形
象言之也孚信也畫以成形故信無成也

測曰畫象成

形非其真也

畫以為形故非其真也

次四孔鴈之儀利用登于階

四為毛類故稱孔鴈孔鴈鳥之知禮者取二鳥為諭者言其行則有儀飛則有次動不失法故利登于階也

測曰孔鴈之儀可法則也

容止有度故可法則也

次五懷其違折

其匕過喪錫九矢

違不正也匕所以撓鼎五為天位行反克之行令不正於禮不備不列諸

侯九錫而已也

測曰懷違折匕貶天祿也

貶損天祿列於諸侯也

次六魚

鱗差之乃矢施之帝用登于天

矢陳也六為宗廟宗廟之事動有禮儀差次如

鱗也不相陵越陳施以度不違於道故帝用登于天施祿及下也

測曰魚鱗差之貴賤

位也

差次若鱗故貴賤各得其位也

次七出禮不畏入畏

七為失志志失行張多不

以法家性為禮違出其表未有所畏故曰不畏出禮入刑刑以正邪故曰入畏也

測曰出禮不

畏人所棄也

人之所棄刑之所取也

次八冠戚眚履全履

八為冠一為履

上下言之上下尊卑各有其儀戚眚以諭敗也冠雖敗宜加之首履雖全宜踐之足八為疾瘵之主有君之尊

故在測曰戚眚明不可上也

雖微而尊不可陵也

上九戴無首焉

用此九

九最在上故曰無首為極當顛下求於四四為人臣不能尊五進退不立故曰馬用此九也

測曰無首之戴焉所往也

在上恐顛就四失臣故無所往也

䷋

二方三州一部一家

逃

地玄陰家四金中下象遯卦

陰氣章彊陽氣潛退萬

物將亡

行屬於金謂之逃者言是時陽氣當退而未訖陰氣當上而未騰猶以陽為難故章彊彊梁傷

敗之貌也陰陽之氣更相避逃故謂之逃逃之初一日入張宿六度

初一逃水之夷滅其

創迹

夷平也一為水水之平施小危則動物逃於水水合於物不可迹求故曰滅其迹也

測曰逃

水之夷迹不創也

水之滅迹無創痕也

次二心惕惕足金鳥不志

溝壑

二為心亦為平人而家性為逃居金之行反克其本故其執心常惕懼足金於鳥無隱逸之志故不

志溝壑也

測曰心惕惕義不將也

平人不隱不仕故無義不行也

次三競其

股鞭其馬寇望其戶逃利

三震也震為馬競動也望責也四為三寇家性為逃見寇

在前故鞭馬而去之也雖望其戶見而不入逃家之利故言逃利也

測曰競股鞭馬近有

見也

觀望其戶故有見也

次四喬木維攢飛鳥過之或降

上撿稱攢上撿

之木鳥所不集故過之而去君自尊高衆士亦望之而去也

測曰喬木之鳥欲止則

降也

非思所好故從意也

次五見鷩蹕于林獼入于淵征

此二物者時之

候也五為天位征行有時是以鳥隼擊而蔚羅張獼祭魚而後漁豺祭獸而後田各須其候君乃征行蒐狩以

時不剋胎卵也

測曰見鷩及獼深居逃凶也

時候未至君處重門之中故逃凶也

次六多田不婁費我腠功

六為宗廟征行須時以奉神靈熟食為腠征田多獲歸之

於宗廟賞不失勞故曰腠功也

測曰多田不婁費力忘功也

田不獲牲故費功也

次七見于纍後乃克飛

纍索也克能也火性燥揚故以飛言之七為系綴故為索也見

索在前飛能避之故曰克飛也

測曰見于纍幾不足高也

當見拘纍故不足高也

次八頸加于矰維網其繩

八為疾瘵故有加頸繩矰之旨八為禍中網綴也綴加于

頸非可卒除故言維測曰頸加維網無自勞也增之所加勞不

能去上九利逃蹯蹯盜德嬰城家性為逃九為其終終始逃遁故蹯蹯也道德

者君子之所尚也九能盜之王者所賞故言嬰城道隆德盛必有城郭也測曰盜德嬰城何

至逃也何有逃道德也

䷋ 二方三州唐地玄陽家五土陰氣茲來陽氣茲往物

且盪盪行屬于土謂之唐者言是時陰氣日盛陽氣日損萬物損落盪盪然故謂之唐唐之初一日入

張宿十一度初一唐于內勿作厲在下稱內厲危也唐者盪盪無所拘限內無拘而外

也無危測曰唐于內無執守也盪盪之義終不見拘執也次二唐處冥

利用東征

二為日日尚隱潛故冥也唐者盪盪之貌也
火征于地無所隱蔽故唐冥也日之隱蔽必

當東出故利
以東征也

測曰唐冥之利利明道也

日之東征者
道之明也

次

三唐素不貞亡彼瓏玲

瓏玲金玉之聲三為木木者樸
素故亡聲也四為金金有聲音

土克於木
故不貞也

測曰亡彼瓏玲非爾所也

瓏玲之聲
非木所也

次四唐

無適道義之辟

辟君也四為公侯而在唐家盪盪無所
適莫不尊奉道德以事其君不違於法

也測曰唐無適惟義予也

無所適莫
予有義也

次五奔鹿懷寵得

不訾

鹿以諭賢寵以諭不肖懷來也賢不肖不別賢奔
亡不肖者來故言不訾不得不訾毀於賢者也

測曰奔鹿懷寵奚足功也

言不足功
治之也

次六唐不獨足代

天班祿

六為宗廟其世盭盭故曰不獨足下所敬奉天神報應以示百姓代天班祿以養人也測

曰唐不獨足無私容也

代天傳命不容私意也

次七弋彼三飛明

明于征終日不歸亡

七為飛兵兵而飛者矢故弋射也陽稱王七為失志王而志失畢弋

無度故不歸也

測曰弋彼三飛適無所從也

征行無度何所從也

次八唐

收祿社鬼輟哭或得其沐

輟止也八為木而在土上條幹茂大得土之力猶士遇明

君得其榮祿也言或得其沐者取其絜清也社稷之神所以止哭哭其哀世世治故哭止也

測曰唐

收祿復亡也

先亡後復也

上九明珠彈于飛肉其得不復

明珠

重寶也飛肉輕欲也九為金故稱明珠飛肉禽鳥也珠至重鳥至輕以重求輕故不復也測曰明珠

彈肉費不當也

費貴得賤故得不復也

䷋

二方三州二部三家

常

地玄陰家六水中上象恒卦

陰以知臣陽以知辟君

臣之道萬世不易

行屬於水謂之常者大暑氣終於此首之次五立秋節起於此首之次六

辟君也以陰陽知之故萬世不易道之常故謂之常常之初一日入張宿十五度

初一戴神墨

履靈式以一耦萬終不稷

一在水行晝夜不休潛墨如神故稱神墨也式法也萬多

一少故不可耦稷而合也

測曰戴神墨體一形也

一者道德之形體也

次二內

常微女貞厲

貞正也厲危也二為少陰故稱女言內常微者陰中之火微微不隆故言微也女能

幽微故貞貞女所在常自危懼故厲也

測曰內常微女不正也

陰道待唱不敢自正

許當次三日常其德三歲不食

日日行一度是其常也三為日出故稱日也三

為終常其德則不薄食也

測曰日常其德君道明也

如日不虧故道明也

次四

月不常或失之行

月有虧盈故不常也四為公侯上臣於五故以月諭不常者行有遲疾或

進或退非臣之節故言或失之行行道也不得常道故為變異也

測曰月不常臣失行

也月之不常為臣失也次五其從其橫天地之常

天從地橫是其常道也五為天

位據上臨下不違陰陽之道先天而弗違各得其所也

測曰其從其橫君臣常也

天從地橫是其常也

次六得七而九懦撓其剛不克常

陽盛於七極於九陽

生於子盛於午至酉而消故極於九陰懦陽剛陰稱撓宗廟之中懦撓為先故言不克常也

測曰得

七而九弃盛乘衰也

委七乘九故不克常也

次七滔滔往來有常

哀如克承貞

滔滔往來貌也七為失志滔滔而行也王之失志故哀如也克能也能承貞者承受

善道不失於義故貞也

測曰滔滔往來以正承非也

六克於七故以六為非也

次八常疾不疾咎成不詰

八為疾瘵故常疾也常疾而不以為疾者明其疾至也疾以成

咎害於身體非復可詰問之也故言咎成不詰也

測曰常疾不疾不能自治也

疾以至咎故不能自治也

上九疾其疾巫醫不失

九為巫亦為金金者鍼刺所用鑿之

謂也八有疾而不為疾故咎也九有疾而疾之故巫醫而治之無所失也

測曰疾其疾能自

鑿也

苟能疾惡能自治身巫鑿不遙不失其治也



二方三州度地玄陽家七火上下象節卦此合在陰

氣日躁陽氣日舍躁躁舍舍各得其度

行屬於火謂之度者言是時陰

氣躁上陽氣舍下重言躁躁舍舍者上下欲速之謂也上下消息各有度數故謂之度度之初一日入翼宿二

度初一中度獨失

水平不齊故曰中度一為法度中心不正正在火之行反見消滅故獨失也

測曰度獨失不能有成也

法度而失故無所成也

次二澤不舍冥

中度

二為火地為澤澤不舍者水不舍火也處中居正故言中度度以正邪故冥也

測曰澤不

舍乃能有正也

中於法度故能有正也

次三小度差差大賴之階

木在火行母子之道差次以度故曰差差以金次之必見克害家性為度被克失度故大傾也

測曰小

度之差大度傾也

事之飢傾危也

次四榦榦利于城

金性剛疆故稱

榦榦榦榦疆則城之利也五為土城之象金則土子于母之道故利于城亦公侯之位國之榦榦也

測曰

榦榦之利利經營也

言臣經營於君事也

次五榦不榦榦于營

五為

天位當榦舉萬機以正營壘而為火子始建母業不敢自專故曰榦榦於事故榦于營也

測曰榦不

榦不能有寧也

寧安也營而飢榦故無安寧也

次六大度檢檢于天

示象垂其范

六為宗廟神靈制法故大度也既檢天下亦檢己及人聖王象之故曰於天示

象也示之以象故垂其范也

測曰大度檢檢垂象貞也

貞正也為天下之正也

次七不度規之鬼即訾之

七為咸陽六為七鬼七當以道規謀天下失志之謨故鬼

警之 測曰不度規之明察笑也

為鬼所警故可笑也

次八石赤不

奪節士之必

陰稱石八東方也 猶丹不可奪赤也

艮亦為石石不可奪堅守志如是若節士之必

專 測曰石赤不奪可與有要也

執志堅固故可與有要也

上九積善

之貸十年不復

金為利大度之家積利振急貸與不足十終也賴者也倦施者無厭故其終年

不得 復也 測曰積善之貸不得造也

造成也不得造成也不得

三二方三州 永

地玄陰家八木上中亦象恒卦此合三部二家 在常首之後今且據舊本不易也

陰

以武取陽以文與道可長久

行屬於木謂之永者言是時陰氣日建陽氣日退兵

陰物也故謂之武春陽生物煥有文章故謂之文文武之道無墜於地永濟於世故謂之永永之初一日入翼

宿六度

初一不替不爽長子之常

五行之道水先王故稱長子替施也爽差也水

以平施一無過差之行故長子之常道也

測曰不替不爽永宗道也

宗尊也常尊道

德之次二內懷替爽永失貞祥

火在木行從其父母可長大火性炎上三親

據之盛則害母故內替差永未自改故失貞祥也

測曰內懷替爽安可久也

內自

克害故不可長久也

次三永其道未得無咎

三為進德之人進德修業未得居官故言

未得也修業不倦雖未得祿其要無咎也

測曰永其道誠可保也

永進其道故可保也

次四子序不序先賓永失主

四承於五故稱子賓謂三也然見克害賓眇於四四

據存之故先賓也子序其父敬從於五主謂一也土克於水故永失也

測曰子序不序非

永方也

方猶常也永失其主故非常也

次五三綱得于中極天永厥福

五為君位君上臣下君臣父子夫婦道正故三綱得也三綱得正故為中極極中也必得其中故天長其福也

測曰三綱之永其道長也

三綱之正人道大倫故永福也

次六大永于

福反虛庭入首冥

六為上祿故稱大也上祿之人故永於福也虛庭入冥幽隱求志故也

測曰大永于福福反亡也

不守以約失之故亡其福也

次七老木生

蒔永以纏其所無

七火也八為老木九贊之中三少七為火死復然猶木老復生故居七言

八也八陰為老陰謂陰中之木潤澤所濡故能蒔生永相續也

測曰老木生蒔永厥體

也枯而復生長有其身也


次八永不軌凶亡流于後

八為禍中故凶亡也亦為

老木木老則枯故不得長為
執法也不得為法故後凶也
測曰永不軌其命剗也

也剪也
上九永終馴首
永長也馴順也首始也家性為永
九為之終始終相順故言終其順

也
測曰永終馴首長愷悌也
永順於首故
長樂易也


二方三州
昆
地玄陽家九金
陰將離之陽尚昆之昆

道尚同
行屬於金謂之昆者言是時陰氣已盛將散萬
物之枝葉陽氣未去與物同昆無益無損故謂

之昆昆之初一日
初一昆于黑不知白
金生水一亦為
入翼宿十一度
水家性為昆水

性又黑故同于黑而不知白也和
測曰昆于黑不可謂
其光同其塵不可以自別白也

人也
昆同之家不可
次二白黑菲菲三禽一角同尾
二

朱鳥故稱禽也陽稱三南方太陽故三禽也角以諭害也角尾昆同故知不為害也菲菲雜也白黑相雜諭賢

愚不別也測曰三禽一角無害心也昆然同故無所害也次三昆于白

失不黑無除一尾三角三為進人故昆于白也黑以諭愚其明白者失於不愚故有道

則知無道則愚愚不可及昆同之世故失不愚也尾以諭濡角以諭害無除尾角則有害也測曰昆

白不黑不相親也無除此害則不得相親愛也次四鳥託巢于叢人

寄命于公三木也木在四上稱巢巢故叢也四為雞故稱鳥鳥之歸巢猶人之歸於公家也無私為

公君無私民所寄也測曰鳥託巢公無貧也均之以公故無貧也次五穀不

穀失䟽數衆釐毀玉穀祿也五為天子䟽數不平也祿而不以祿於賢者故失在不平也

釐而毀玉猶積毀消金雖其居高不可不慎也

測曰穀失䟽數奚足旬也

旬猶旬也

言不足徇慕也

次六昆于井市文車同軌

六為水故稱井為泉故稱市上施於福下

歸以信故同于市井市無二價路不拾遺家性為昆故書而同文而車同轍也

測曰昆于市井

同一倫也

倫正也皆正合之也

次七蓋徧不覆晏雨不救

七為失志思不

濟徧故蓋不覆也晏雨以諭盛也雨盛不救君德之不隆也

測曰蓋徧不覆德不均也

如蓋不覆故不均平也

次八昆于危難乃覆之安

八木也家性為昆恐同于九昆

以金為危難也覆愛均同故安也

測曰危難之安素施仁也

世素均同故不畏于

九上九昆于死弃寇遺

九金也金克於木故為八寇也家性為昆同死生之事欲齊其

志以防於難人九既素與八為寇七來測曰昆于死弃
抑之八威金哀為母報仇則遺其寇也

厥身也

見急無救
故身弃也

太玄經卷四

謹案卷三第一頁前六行清明節終於事首之上
九穀雨氣起於此首之初一刊本事首訛此首
上九訛次八初一訛次九按清明氣起於樂首
之次七三分一十七秒至事首上九已滿一氣
而此首之初一穀雨氣起矣今改正

第二頁後六行修內表外刊本脫外字據趙如源
本增

第三頁前一行故為疑刊本疑訛鼻據經文改

第三頁後一行所斷不當刊本訛所當不斷據趙如源本改

第四頁後二行其言柔且穀刊本言訛人據本注及趙如源本改

第四頁後三行柔不失剛剛不失柔刊本訛柔失乎剛剛失乎柔據趙如源本改

第五頁前八行穀雨氣終於此首之次三立夏起於此首之次四刊本三訛一四訛二按此首與

天玄閑首相配氣終氣起亦同今改正

第五頁後一行入畢宿十一度刊本畢訛鬼據晁
說之易玄星紀譜改

第五頁後四行遇冰則困刊本遇訛過據趙如源
本改

第六頁後七行日入畢宿十五度刊本五訛二按
上文裝首初一日入畢宿十一度至此當十五
度今據晁說之易玄星紀譜改正

第七頁前八行四稱公侯在師之中而如鷹揚刊
本四訛口如訛始據趙如源本改

第七頁後五行竊視稱暋刊本視訛親據說文及
趙如源本改

第九頁後二行三二方一州三部一家刊本訛作
三二方一州三部二家與下斂首同今據卷首
玄圖及晁說之易玄星紀譜改正

第九頁後五行然相克害刊本相訛指據趙如源

本改

第十二頁後四行君子將仕刊本仕訛事據趙如
源本改

第十三頁後三行以懦得民刊本懦訛儒據趙如
源本改

第十七頁後六行日入井宿二十五度刊本二訛
三據晁說之易玄星紀譜改

卷四第一頁後六行事之妖祥刊本事訛雖據趙

如源本改

第四頁後一行竈無實刊本脫實字據贊辭及趙
如源本增

第五頁後七行陰氣在內刊本訛陰夜其內據趙
如源本改

第六頁前三行身未升階刊本未升訛升未據趙
如源本改

第六頁前五行故成其大也刊本訛大利為大也

據趙如源本改

第七頁前七行一在水行刊本一訛二據本贊及
趙如源本改又水性不動刊本不訛不據本書
釋音云不古流字改

第十頁後一行孔鴈鳥之知禮者刊本脫鴈字今
增

第十一頁前六行中下象遯卦刊本下訛中象上
衍亦字據晁說之易玄星紀譜及趙如源本刪

金方口月
改

第十一頁後六行故鞭馬而去之也刊本鞭馬訛
馬鞭據趙如源本改

第十四頁前二行六水刊本水訛木據晁說之易
玄星紀譜改

第十五頁後一行三二方三州三部一家刊本訛
作三二方三州三部二家與下永首同今據卷
首玄圖及晁說之易玄星紀譜改

第十七頁後七行潤澤所濡刊本濡訛高據趙如
源本改



總校官中書臣吳紹潔
校對官檢討臣李學錦
謄錄貢生臣王詢

總校官中書臣吳紹潔

校對官檢討臣李學錦

謄錄貢生臣王詢

欽定四庫全書薈要

子部

太玄經卷

五至
七

詳校官員外郎臣潘紹觀



欽定四庫全書蒼要卷一萬二百十六

子部

太玄經卷五

漢揚雄撰

晉范望注

至晦第五

方一州
部一家
減
人玄陽家一水
下下象損卦

陰氣息陽氣消陰盛陽

哀萬物以微

行屬於水謂之減者立秋氣終於昆首處
暑氣起於此首之初一斗指申夷則用事

陰日已盛陽日已哀萬物減損故謂
之減減之初一日入翼宿十五度

初一善減不減冥

一水也善減自損也不減者不能自損也常能
自損若水之性內自淪下人不見之故冥也

測曰善

減不減常自沖也

常自沖虛故冥之也

次二心減自中以形于身

二火也亦為陰位陰中之火光而不炎故減自中也火為心形見也心而自損故見身也

測曰心減

形身困諸中也

內自困責求之中心也

次三減其儀利用光于階

三為進人必其當進故先自損損已益人故減其儀也無德不離必至于四從四承五位當公侯故登階階有光榮

測曰減其儀欲自禁也

自守以約禁己之非也

次四減于又

貶其位

又治也金性剛彊而在陰位自減於治不重不威故貶位也

測曰減於又無

以莅衆也

居高據衆以德威民也

次五減其黃貞下承于上寧

五為

天子處於中央故稱黃也居中得正故貞必正其道為下難附故減貞也臨長四方故曰下承奉天以禮時節

和調故

測曰減黃貞臣道丁也

上寧也
丁當也臣敬於

次六幽

闡積不減不施石

六為水故稱幽施祿及下故曰闡積家性為減減而不施故謂之石也

測曰幽闡不施澤不平也

不施如石故其

次七減其疾

損其卹厲不至

卹憂也厲危也七火也為水所克故為疾也家性為減盈則損之疾除憂解所

惡者消危懼之難故不至也

測曰減其疾不至危也

所害以除故不至於危亡也

次八瀏連連減于生根

八木也秋木始衰瀏汙也連連汙垂之貌木衰而憂故汙連也

生根見減故益憂也

測曰瀏連之減生根毀也

秋木衰落故根毀也

上九減

終利用登于西山臨于大川

九最後故減終也在西為金故曰西山也金生于水

故積大川者也山下有川故相臨也登山履高能自損減故利也

測曰減終之登誠可

為也

減道已終履其至險以濟艱屯臨於大川以救昏墊誠可為也

䷗

三方一州一部二家

噍

人玄陰家二火下中象否卦

陰不之化陽不之施萬

物各噍

行屬於火謂之噍者言陽在於上陰在於下陰陽噍閉故謂之噍噍之初一日入軫宿二度也

初一噍不予丈夫婦處

一為下人而在噍者陽不之施故婦處也

測曰噍不

予人所違也

志不丈夫故人違之也

次二噍于血資乾骨

血以諭濡二火

也故乾陰中之陽故稱骨家性為噍故無濡潤之所施也

測曰噍于血瞿自肥也

瞿省

而自肥也

次三貌不交喈噉噉無辭

三者陰家之陽而在噉世故朴素也貌無容飾

不能交人
有聲而無辭也

測曰貌不交人道微也

不能交人故微也

次四

噍其穀不振不俗累老及族

四為公侯而在噍家祿不施賜又不振救族類之老

順俗垂亘故為累也

測曰噍其穀不得相希也

世之噍閉故不得相希望也

次

五不中不督腐蠹之嗇

五為天位陰家之陽故不中不督也賦斂不中故稼嗇腐也

測曰不中不督其噍非也

噍而不予故為非也

次六泉源洋洋

噍于丘園

六水也故為泉源洋洋大水之貌也丘園以喻高也水性就下故噍于高也

測曰

泉源之噍不可譏也

所施唯謙人何譏之也

次七噍于體黃肉毀

體謂綴體相連若子孫也七為失志失志無道噍于親親內不相附故骨肉毀也

測曰噍于體

骨肉傷也

九族不睦故傷也

次八嗟遇禍禱以牛解

八為過中以五為牛

木剋於土故為禍也牛以解禍庶獲其福家性嗟嗇在六不施八六子也故遇其禍也

測曰嗟遇

禍大費當也

牛為大費請禱蒙福故當也

上九嗟不雨孚乾脯

九金也金

生水家性為嗟嗟而不施故不雨也孚信也嗟而不雨信當枯槁無潤施民如脯之乾無恩澤也

測曰

嗟不雨何可望也

嗟無潤故無可希望也

䷗

三方一州一部三家

守

人玄陽家三木下上亦象否卦

陰守戶陽守門物莫相

干

行屬於木謂之守者言二氣相對上下否遇各守其位故謂之守守之初一日入軫宿六度

初一

閉朋牖守元有

閉塞也朋黨類也牖戶牖也元者善之長也有其身而閉黨類守其身之善者

則守家之道也

測曰閉朋牖善持有也

守一不移持

次二迷自

守不如一之有

二陰位也亦為目目在陰中故迷也迷而自守太行不正故不如一守身修善

諭持正

測曰迷自守中無所以也

以用也不先自守故無所用也

次三

無喪無得往來默默

三為進人當進德修業以及於時家性為守故能檢身不求於人無

喪無得無咎無譽常自循守故默默也

測曰無喪無得守厥故也

默而自守故守

其故次四象艮有守

四於戌為狗象似也艮難也似能難人者若芻狗也有狗之名而不

能御故言似也

測曰象艮之守廉無愜也

廉察而已不愜有之

次五守中

以和要侯貞

五為天子守中和之道以有其國諸侯之正主也故貞以道正國國人所歸雖處要

荒莫不畢至
故曰要侯也
測曰守中以和侯之素也

侯君也居中以正君之素所修

也
次六車案軻圭璧塵

六為上祿下之所奉車而案軻不通神靈不來不往告祭不時

故璧圭塵也

測曰車案軻不接鄰也

祚不遠被無所接及也

次七羣陽

不守男子之貞

七為陽世皆陽故稱羣也為六所克故不守守身求二三是其世因三問二所

介者遠在守之世自修而已故男子之正也

測曰羣陽之守守貞信也

守正無欲

故貞信也
次八曰無杵其碓舉天陰不雨白日毀暑

八木也故有白

杵之事亦陰陽之道也天不施雨草木枯槁故毀暑也

測曰曰無杵其守貧也

碓舉

不用故貧也

上九與茶有守辭于盧首不殆

茶白也盧黑也九西方故白守

以類相求故辭黑首也守道之家四方無虞
安民得人不用旅力故白首之人並列位也
測曰與茶

有守故愈新也

老見任日以新也

三

三方一州二部一家 翁 人玄陰家四金

陰來逆變陽往順化物

退降集

行屬於金謂之翁者處暑氣終於此首之次二白露節起於此首之次三陰上為逆陽下為順

萬物日衰故曰退也降集自斂也故謂之翁翁之初一日入軫宿十一度

初一狂衝于冥翁

其志

翁順也水性流行無內不入故稱狂衝初發自源蒙蒙然故謂之冥波蕩順志不拘于法水之性故

言順其志也 雖欲逍遙天不之茲

水之流行是天之性雖欲逍遙天之不順故曰天不

之茲茲此也言不令如此也

測曰狂衝于冥天未與也

水宜汙行天未與之逍遙

者次二翕冥中射貞

二為平人不隱不仕故曰翕翕順也中中心也順其中心自近念遠

不達正道故貞家性翕順每自順從冥也

測曰翕冥中正予也

予我也我謂二也言二正

處中正也次三翕食嘖嘖

三為進人順意欲上祿食於四嘖嘖食疾之貌也疾欲仕進達於推讓故

嘖嘖也

測曰翕食嘖嘖利如舞也

所利不方故如舞也

次四翕其羽

利用舉

羽朋友之用善稱相翼之謂也五為土土生金親近於五常見舉用故利也朋友相翼進在祿

位有似叔牙之相管仲也

測曰翕其羽朋友助也

朋友者朋助之謂也朋友相衛是其

力助也

次五翕其腹辟金穀

五為天位而在翕家翕斂順志故其口腹無施祿之意金

穀辟藏專足於已故翕其腹也

測曰翕其腹非所以舉也

自翕以欲故作貞舉之君

也 次六黃心鴻翼翕于天

六為五心五處中色黃故黃心也位尊心正所在必賢故

鴻翼也臣賢君明下順於上故翕天也

測曰黃心鴻翼利得輔也

鴻翼之正臣相

輔助也 次七翕繳惻惻

七為繩為射射用繩者繳之謂也七為失志又為飛鳥鳥而失志故

高飛飛而遇繳欲去不得故惻惻也惻痛心也

測曰翕繳惻惻被離害也

飛而遇繳

故離害也 次八揮其孥絕其繃殆

七為用罟而在八前故有孥繃之難八為青龍龍遇

罟必免其害故絕繃也繃絕孥敗所繃不禁故有殆也揮而去之何侯之有也

測曰揮孥絕

繃危得遂也

羅罔而去得遂龍之志矣

上九揮其角維用抵族

九為兵為

極禍抵擊也金稱角諭刺害致禍揮而去之故擊其族類也

測曰揮其角殄厥類也

珍絕其族類也

䷌

三方一州二部二家

聚

人玄陽家五土中中象萃卦

陰氣收聚陽不禁禦物

相崇聚

行屬於土謂之聚者言陰威陽衰萬物哀落陰氣收取而崇聚之故謂之聚聚之初一日入於

宿十度初一鬼神以無靈

一最在下故稱鬼神神視之無形故言無如無所見故靈也謂

無形而

測曰鬼神無靈形不見也

形之不見也

次二燕聚

嘻嘻

二為平人不隱不仕平於世間家性為聚故相收會燕飲嘻嘻取樂而已也

測曰燕聚

嘻嘻樂淫衍也

樂而無節故淫衍也

次三宗其高年羣鬼之門

三為

門宗尊也高年可高而宗也鬼歸也建德之人修業及時當為王臣故羣歸其門也

測曰宗其高

年鬼待敬也

賢者所歸故待之以敬也

次四牽羊示于叢社執圭信

辟其左股野

家性為聚三木也木聚故稱叢五土而封聚故謂之社三亦為震震為股四為羊五

為天位四為公侯公侯執羔故牽羊也社稷之臣故言叢社也圭以為信亦股肱之臣也股肱左辟故股野也

測曰牽羊于叢不足勞也

奉羔進君非勞苦之事也

次五鼎血之猶

九宗之好乃後有享

享信也猶臭草也五為天子故有鼎俎血食之祭九宗羣會燕好肅

敬不違於道然後相誓以忠信也

測曰鼎血之猶信王命也

天王之命以信為本

也次六畏其鬼尊其禮狂作昧淫亡

亡無也昧迷也淫謂淫祀也不正稱

狂六為宗廟郊祀天地告事於廟敬鬼神而遠之故迷淫亡也

測曰畏鬼之狂過其正

也

畏敬鬼神大道之正也

次七竦萃于丘冢

七謂下山而下水者丘冢象也火在水上

故竦火性炎上故萃丘冢也

測曰竦萃丘冢禮不廢也

恒自竦懼不廢禮也次

八鵠鳩在林啖彼衆禽

八為林七為鳥鳥言啖怒故鵠鳩也鵠鳩賊鳥所在衆禽所避

賊人所在衆賢亦所惡故啖也

測曰鵠鳩在林衆所啖也

善惡相害故衆怒也上

九垂涕纍鼻聚家之彙

金生水也九最處高故稱鼻鼻中之水而從高落故涕垂也家

性為聚彙者類也朋類相迫纍然相連也

測曰垂涕纍鼻時命絕也

位終涕垂絕命

也

䷶

三方一州二部三家

積

人玄陰家六水中上象大畜卦

陰將大閉陽尚小開山

川數澤萬物攸歸

行屬於水謂之積者言是時陰氣上盛陽氣尚微見山川林澤物之所歸

積聚其中故謂之積

積初一冥積否作明基

一北也故稱冥否不

之初一日入角宿三度

善也謂秋物哀也萬物哀落故言不善積哀落

測曰冥

之物以備明歲故作明基言為明年之基業也

積否在惡也

所積不善故在惡也

次二積不用而至於大用君子

介心

二為心陰家之陰故稱君子積善之家雖不見用積善餘慶終於大用也介大也雖不見用君子猶

太其心志以俟時也

測曰積不用不可規度也

大人之心不可度知也

次三

積石不食費其勞力

石為四也在三之上故為積石故曰不食故費力也

測曰積

石不食無可獲也

雖積非飴故無獲也

次四君子積善至于車耳

陰家之陰故稱君子家性為積積善善蓋積惡惡聚四者陰位而在陰家故積善也積善成名故車耳也

測曰君子積善至于蕃也

蕃車耳也車服有章以顯賢也

次五藏不滿

盜不羸

五為君位雖在積家陽道不足故不滿也積善多福故不致盜也

測曰藏滿盜

羸還自損也

多藏必厚亡損己之謂也

次六大滿碩施得人無亢

六為

大水水滿則盈故傾施也施祿及下故得人無亢言得天下之人無與亢對也

測曰大滿碩施

人所來也

言來致於人也

次七魁而顏而玉帛班而決欲收寇

魁藏也顏見也玉帛者決以其欲而果決致寇也

測曰魁而顏而盜之招也

多藏

厚亡欲招盜也

次八積善辰禍維先之罪

八木也木到秋逢嚴霜為之作禍非己之

罪也此乃火鑠金故也金到秋而治於木者
木乃為火高祖父故致此禍非己之罪也
測曰積善

辰禍非已辜也
罪由先人故
上九小人積非至于苗裔

玄孫之後稱苗裔陰家之陽故言小人夫積善之家必
有餘慶九而積非先克於木故木克土土則金玄孫也
惡之大者乃至苗裔
測曰小人積非禍所斃也
積非之人禍所委也

䷗ 三方一州
三節一家
飾
人玄陽家七火
陰白陽黑分行其職出

入有飾
行屬於火謂之飾者白露節終於此首之次五

升於西故言白陽退於北故言黑陰陽分職所主
白黑相襲故謂之飾飾之初一日入角宿七度
初一

言不言不以言
一陽家之陽故稱君子君子之道
測曰
非法不言以道自飾不虛文也

言不言默而信也

非法不言故默而信也

次二無質飾先文後失

服

二陽家之陰小人道也無質而飾文以取容故失服也

測曰無質先文失貞也

無質而飾故失貞也

次三吐黃酋舌甘黃聿利見哲人

哲人謂五也黃中也

舌言也聿述也三為進人而在火行火燥而進當上於四四為公侯之位吐出中言甘盡道述以奉於五故利

見也測曰舌聿之利利見知人也

因四奉五利見智德之人

次四利口

哇哇商人之貞

四為利口哇哇展轉之貌也貞正也夫人不言言必有中口舌展轉不可反覆

此蓋商賈之正也

測曰哇哇之貞利于商也

哇哇之言商人之利也

次五

下言如水實以天牝

五為天子水善下人故其下言赴下如水所以獲尊位實如天子以

北守之故
曰北也

測曰下言之水能自沖也

能自虛沖故
致尊位也

次六

言無追如抑亦飛如大人震風

如抑皆辭也六為上祿
施祿乎民賞慶刑威言

不可追言出如飛發
動震衆故震風也

測曰言無追如抑亦揚也

揚實難

知次七不丁言時微于辭見上疑

丁當也七為失志之
主不可正諫故不當

言時事也微辭依違以見
於上與上自疑反正道也

測曰不丁言時何可章也

風切

而已不可
章灼也

次八蛰鳴喁喁血出其口

蛰蟬也恒託於木
其鳴也則血出其

口不鳴則喁喁然家性為飾當相飾
文四金八木金克於木故曰出血也

測曰蛰鳴喁喁口

自傷也

又出小人多口四則哇哇八
又出血故傷於口也

上九白舌于于屈于根

君子否信

九為言金為白故白舌也于于多難之貌也苟自文飾也言無本末君子不信也

測

曰白舌于于誠可長也

人所可長以為戒也

䷋

三方一州疑人玄陰家八木三部二家疑上中象震卦

陰陽相磴物咸彫離若

是若非

行屬於木謂之疑者言是時陰陽分數晝夜等齊對相切磨萬物彫傷而離散陰王陽廢是非

有疑故謂之疑疑之初

初一疑惘惘失貞矣

貞正也矣直也一小

一日入角宿十二度

人也執志不固惘惘然從人故失正直之道也

測曰疑惘失貞何可定也

心之多疑

無所定也

次二疑自反乎不遠

二為平人而在疑家益以有疑火性燥上二上臣五故自

反也三當上進四據祿位以次當升故信不遠也

測曰疑自反反清靜也

清靜自守

方得也
次三疑彊昭受茲閔閔于其心祖
祖始也彊彊梁也昭明也三為

木而在木行故疑彊梁而明盛也必受此疑故閔閔測然而自憂也於其心意始時所行不違於道故明也
測

曰疑彊昭中心冥也
自疑不審故心冥也
次四疑考舊遇貞孚
考問

也孚信也君子之道故舊不遺今而問之知其疑也信在於九遇正也
測曰疑考舊先問

也
有舊而問故疑也
次五赫黃疑金中
赫赤也土色黃而先言赤者故疑也外赤內黃

故言疑金中陰家之陽色不純正也
測曰赫黃疑中邪奪正也
以赤奪黃非其色正

也
次六誓貞可聽疑則有誠
六為之師師衆之事以誓為正故曰誓貞貞正也事

正故可聽也可聽則無疑無疑故有誠也
測曰誓貞可聽明王命也
精誠之言明時

王之命也

次七鬼魂疑貞厲嘽鳴弋木之鳥射穴之狐反自

耳厲

七火六水水滅於火故為七鬼也厲惡也六正克七故貞厲也嘽鳴歎也七為射又為兵兵飛而射

也弋射也為羽又為日日中有鳥八木七上於八故鳥在木上而曰弋木之鳥也

測曰鬼魂之

疑誠不可信也

鬼魂之凶誠不可取信也

次八顛疑遇幹客三歲不

射

射厭也幹貞也顛下也三終也八木也而在木行二木相當客之謂也下疑遇幹貞之客人以名貴故終

歲不厭也

測曰顛疑遇客甚足敬也

幹貞之客故可敬也

上九九疑無

信控弧擬麋無

九為金故為弧矢比疑世也九位皆疑故九疑也無信無所信也控弧擬麋猶

曰無者疑之甚也

測曰九疑無信終無所名也

弧而不發何所成名也



三方一州
三部三家
視人玄陽家九金

陰成魄陽成妣物之形

貌咸可視

行屬於金謂之視者魄形也妣母也言陰已成形謂坤象見也陽在地下養萬物根荄若

母之養子也萬物形貌皆可觀視故謂之視視之初一日入亢宿四度

初一內其明不用

其光

自視稱內明一而內明內自省視內省不疚何憂何懼故內其明也無以下人以光自耀故不用也

測曰內其明自窺深也

深窺已瑕而自改也

次二君子視內小人

視外

君子謂一也一內其明故視內也小人謂二也陽家之陰故稱小人大光外照故視外也

測曰

小人視外不能見心也

光明外照故不見已之心也

次三視其德可

以幹王之國

三為進人日新其德必升四而為公侯故幹國也家性為視內自省見故視其德也

測曰視德之幹乃能有全也

能自省料故全也

次四粉其題頰

雨其渥須視無姝

題額也頰面也渥美也姝好也粉飾也西者公侯之位而在陽家之陰故

小人也為小人之道不飾其心而飾其面猶姝姝之好而過於雨故視無好也

測曰粉題雨須

不可忍瞻也

飾面遇雨不可視之也

次五鸞鳳紛如厥德暉如

五為

天位故稱鸞鳳孔子曰鳳鳥不至明為天瑞也紛如

有文章也暉如文德之貌也有文有德故暉如也

曰鸞鳳紛如德光皓也

言其德皓皓然盛也

次六素車翠蓋維視

之害貞

宗廟尚質故素車也車素蓋羽猶為不純車服不純惟身之二家性為視能內自視改復於正

也故貞測曰素車翠蓋徒好外也

君子之道被褐懷玉今高自外飾好非道之貞

也次七視其瑕無穢

七火也火性光炎身不容瑕家性為視而內自視身光已清故無穢

也測曰視其瑕能自矯也

自矯以正故無瑕穢也

次八翡翠于飛

離其翼狐鼯之毛躬之賊

八為震震為鳥故翡翠也於知為兔狐鼯屬也各以文毛

之用遂致殺身之禍不自視之咎也

測曰翡翠狐鼯好作咎也

八獨無視故逢咎也

上九日沒其光賁于東方用視厥始

九西方也日之將入故言沒其光也

賁飾也易曰山下有火賁賁黃白色也將入之日既赤且黃若初出之時也故曰用視其始也

測曰日

沒賁東終顧始也

終始相顧不相乖違者也

三

三方二州一部一家

沈

人玄陽家一水下象兌卦

陰懷于陽陽懷于陰志

在玄宮

行屬於水謂之沈者言陰氣升上陽道退下不相交錯陰陽宜交今不得通故相懷戀志於玄

宮也在下故謂之沈沈之初一日入亢宿八度初一沈耳于

閨不聞貞

貞正也一為耳耳在水中故沈也閨內也內者婦人之事一小人耳志在於內不聞正道

故言不聞貞也測曰沈耳于閨失德體也

故無有遠志也

次二沈視

自見賢於眇之眇

二為目而在沈家故沈視也視而沈者必見其內內省不疚無所憂懼必

而自見是賢眇之所眇也

測曰沈視之見得正美也

而自省察道之美也

次三

沈于美失貞矢

矢直也貞正也三為進人進不以道沈淪美色故沈美也不得其道故失正直

也測曰沈于美作聾盲也

故沈放美色也

次四窈雛沈視食

苦貞

四為酉故稱宛雖亦為公侯義不素食故先苦而後得祿也得必以正故貞也

測曰宛雛

沈視擇食方也

言其所食必當方也

次五雕鷹高翔沈其腹好蠅惡

粥

粥出也蠅懷也五為天而位正以雕鷹論者家性為沈沈於惡位高翔不復猶貪暴之君高志穢行好懷

害利惡所出也

測曰雕鷹高翔在腐糧也

為君腐糧下不足也

次六見栗

如累明利以正于王

栗飛光也累明也六為上祿君子之道重明麗正光輝遠聞故利以

正於王也

測曰見栗如累其道明也

道之分明故自見也

次七離如婁

如赤肉鵠臬厲

厲惡也七為目故稱離婁力視之貌也七為鳥故稱鵠臬鵠臬貪惡之鳥也故見赤

肉而力視之也

測曰離婁赤肉食不臧也

視其非求故不善也

次八盼得

藥利征

盼目之美也詩云美目盼兮濁盼而視故見藥藥以除疾猶明君求賢以祛蔽也蔽問故利征

也測曰盼得其藥利征邁也

邁行也利以行於四方者也

次九血如

剛沈于顙前尸後喪

血憂也九又為金故稱剛亦最在上故言顙也家性為沈九為之終

故沈於顙也在前為尸謂木見克也

測曰血剛沈顙終

以貪敗也

進退有禍故終敗也

䷊

三方二州一部二家

內人玄陰家二火卦

陰去其內而在于外陽

去其外而在乎內萬物之既

行屬於火謂之內者秋分氣終於此首之次二寒露

氣起于此首之次三言陰氣盡於天地之間陽氣復其下既已也故萬物已成將當蓋藏入於室內故謂之內

內之初一日
入氏宿四度
初一謹于娶執初貞後寧

一水也火為之
娶春秋傳火水

娶也故謹其內執匹也謹其娶匹男女
道正故貞夫婦別室家安故後寧也
測曰謹于娶執

始女貞也
為女道正故
為賢婦也
次二邪其內主迂彼黃牀

內主
為婦

也火為水妃必見克害故內主邪也迂遠
也黃中也牀亦內也內主不正故遠之也
測曰邪其內

主遠乃寧也
性相克害故遠
之乃安寧也
次三爾儀而悲坎我西階

三陽位也內者婚姻之道仲春之月木盛東方坎憂也
爾汝也汝三也悲悲已也納內之世親迎之道婦升西
階有代親之義故爾
測曰爾儀而悲代母情也

感母見
代故悲

心次四好小好危喪其蘊袍厲
厲危也蘊袍謂食祿也
小好謂非正侈靡之事

也居公侯之位不念盡忠以測曰好小好危不足榮也

和陰陽而徇侈靡故喪祿也次五龍下于泥君子利用取娶遇庸夷

所以為光榮也次五龍下于泥君子利用取娶遇庸夷

五土也六為水土在水下故泥也龍以諭陽陽下於陰

親迎之義也故君子利以取娶也庸大也夷悅也親迎

以禮故大悅也測曰龍下于泥陽下陰也次六黃昏

于飛內其羽雖欲滿宮不見其女六為宗廟納婦廟見

之時也于飛飛就陽也內其羽入于宮也六測曰黃昏

欲妃五而五克之見克不進故不見其女也次七枯垣生莠罍頭內

內羽不能自禁也時過將奔禮次七枯垣生莠罍頭內

其稚婦有七為祖父故白頭也白而不純謂之皤白頭而

內稚婦者二為仲女而與七合故有稚婦也

測曰枯垣生莠勿慶類也

老夫女妻明不足慶猶可以繫旄類也

次八內

不克婦荒家及國涉深不可測

克勝也荒亡也八陰也八當婦於九九而克之

故不勝婦也婦而不勝故家亡家亡及國故不可深豫測也

測曰內不克婦國之孽

也

妖孽之生災及家國也

上九雨降于地不得止不得過

金生水故雨降

也雨施於地上施惠于下也不得止者祿有常數也不得過者不賞無功也

測曰雨降于地

澤節也

雨降于地節之以陂澤也

䷵

三方二州一部三家

去

人立陽家三木下上象无妄卦

陽去其陰陰去其陽物

咸偕倡

行屬於木謂之去者偕張也倡咸也言是時陰陽易位二氣交錯萬物張咸各去其位故謂之

去去之初一日

入氐宿九度 初一去此靈淵舍彼枯園

一為水最在下故稱靈淵

舍居也行在木木於秋而廢又一為沙泥木廢泥沙之上是為枯園家性為去故去下居高也

測曰去

此靈淵不以謙將也

水以善下為本今去下即高非謙德也

次二去彼枯

園舍下靈淵

二火也水克於火故相反也

測曰舍下靈淵謙道光也

去高即卑道光也

次三高其步之堂有露

三為進人故高其步也五為堂視遠步高

當升未至故其樂速意露見也

測曰高步有露妄升也

不循揖讓而高其步故妄升也

次四去于父子去于臣主

五以上為祖父之屬也四以下為子孫之例也四次於五

五升則四上父沒則子繼家性為去故去小而升大也

測曰去于父子非所望也

子襲父位雖當居尊
明無先望之意也

次五擡其衣之庭有麋

五為衣麋草也方近

於水故擡衣也庭中庭也五為中
央故稱庭庭而有草故衣舉也

測曰擡衣有麋亦可

懼也

庭之不除君之懼也

次六躬去于成天遺厥名

六為上祿祿位高而尊家

性為去當成功而讓於人或若堯舜
或便還五功成身退故天遺其名也

測曰躬去于成讓

不居也

已居天位公之於賢也

次七去其德貞三死不令

令善也七為火

其行屬木為其父母子去父母故言去
其德也家性為去雖去而正故貞也

測曰去其德貞

終死醜也

三為終去其父母故終死不善也

次八月高弦火幾縣不可

以動動有愆

八陰也故為月月之高弦二十之餘也火謂大火火之幾縣歲將晚也八者老疾之

位於年為八十愆過也如月動而益晦火日以流退皆時之候也人之年老亦猶然致仕懸車遺法後生不可

妄動以有愆也測曰月弦火縣恐見咎也常恐見咎故上九求

我不得自我西北此木行也而金克之家性為去故去之也其求之也不西則北于求母本

是其義也測曰求我不得安可久也雖在去家安可久行也

☵ 三方二州晦人玄陰家四金陰登于陽陽降于陰物

咸喪明行屬於金謂之晦者言陰陽易位萬物日彫故喪其明於晦闇之地故謂之晦晦之初一日入

氐宿十三度初一同冥獨見幽貞水在金行于母之道在於晦闇之世雖同於冥故能

獨有所見而處於下故測曰同冥獨見中獨昭也處晦幽以陽居正故貞也而明

故昭也

次二盲征否

二為目而在陰位陰世晦故盲也火克於金故否行數不通故正否也

測曰盲征否明不見道也

既盲又否故不見道也

次三陰行陽從

利作不凶

夫陽行則陰從今而反之明世晦也然去婦之道共成家事雖非公正作務之事未為凶

也測曰陰行陽從事必外也

居官理治可移於官故必外也

次四晦其

類失金匱

四金也而在其行處晦之世故曰晦其類也金匱美寶也四是公侯之位而在晦世故失

其美質也

測曰晦其類法度廢也

國之美寶廢失之也

次五日正中月

正隆君子自晦不入窮

五在中央故日月正中也月滿之時亦於中也故以日月喻矣

五為天位而在晦世從時而卑故自晦也謙尊而光故不入窮也

測曰日中月隆明恐

挫也

日中則昃故明挫也

次六玄鳥維愁明降于幽

降下也六為上祿高而無

民幽者神所居也宗廟之道以幽為明六為玄七為鳥以祠祭宗廟而維愁也

測曰玄鳥維愁

將下昧也

冥昧之中神所居之也

次七朞提明德或遵之行

七為失志

眇者目不明也提弃也弃其明由晦世也遵猶循也或循之行從時之宜也

測曰朞提明德

將遵行也

言行以德也

次八視非其直夷其右目滅國喪家

七為目八因以視故曰視其直也夷傷也右目為七也在八之右故為右目家性為晦目少且晦故傷也上欲

敵九九克於木故曰滅國滅故家喪也測曰視非夷目國以喪也

相克之世故喪

也○如霸王遇韓信眼不別賢而亡也○累將數本校勘無此注十三字惟林氏印行本中有恐是林氏新意

不敢除
去也

上九晦冥冥利于不明之貞

貞正也九金也而在晦世故冥冥也

利以不明隨時
之宜則貞也

測曰晦冥之利不得獨明也

時世晦闇九雖正陽

宜自抑損不得
獨自分明也

太
玄
經
卷
五

欽定四庫全書蒼要卷一萬二百十七

子部

太玄經卷六

漢揚雄撰

晉范望注

從曹至養第六

三

三方二州
二部二家

曹

入玄陽家五土中
中亦象明夷卦

陰征南陽征北物失

明貞莫不曹曹

行屬於土謂之曹者寒露節終於此首
之次四霜降氣起於此首之次五斗指

戌無射用事征行也陰南陽北故萬物失其明正
之道曹曹然故謂之曹曹之初一日入房宿三度初一

曹復暎天不覩其軫

一水也而在土行土克於水故曹
曹然也暎窺也曹晦也曹復而窺

天天道高遠不可覩
察故不見其軫界也

測曰普復睽天無能見也

普普不明故無

能見也

次二明復睽天覩其根

二為目又為日故明也腹目俱明所照者遠覩於人

事無所不見故
覩其根者也

測曰明復睽天中獨爛也

無所不見故爛明也次

三師或導射豚其埽

師為替者也豚遁也埽射的也木在土行數相克故替也亦為進人

人之欲進必須明分分之不明
猶替導射而遁其天志不正也

測曰師或導射無以辨

也導者不明故無以別也

次四鑒貞不迷于人攸資

四金也故為鑒鑒之正者

猶為不迷況得賢者與為治乎于於也資取
也攸所也於人所取資者無過於鑒賢也

測曰鑒貞

不迷誠可信也

以賢為鑒可保信也

次五倍明假光觸蒙昏

五為天子

當以賢自輔為明自光家性曹曹
未知所就故倍反明光而觸忌也
測曰倍明反光人可

頻也

倍反光明人所不錄也

次六曹曹之離不宜熒且姬

六為上祿而在

曹家故曹曹也曹猶熒熒也離為日熒謂月也君熒然
若日之將出不可熒然若月之將毀也姬小貌也終當
如離離日也
故不宜小也
測曰曹曹之離中熒熒也
熒而退也
次

七曹好明其所惡

七為失志在曹之家蓋以不明志
失禍生惡加乎下好自大飾求明

於人故好明其所惡也

測曰曹好之惡著不可昧也

昧惡而求明
昧更著也

次

八昏辰利于月小貞未及星

昏日入也日入月出轉相
繼續故言利于月也以月

續日可以小正故言小貞
未及如星爛布天下也

測曰昏辰利月尚可願也

以月

繼日故猶可願樂也

上九時蹉蹉不獲其嘉男子折筭婦人易筭

筭筭飾也男子有筭婦人筭之以飭蹉蹉長歎也嘉善也男謂九也婦謂八也金木相克故筭折筭易故不獲

其善也八生於七今力克之故七復仇而消男也

測曰不獲其嘉男死婦歎也

男子消亡而女長歎也



三方二州三部三家

窮

人玄陰家六水中上象困卦

陰氣塞宇陽亡其所萬

物窮遽

行屬於水謂之窮者言是時陰氣盈滿於天地之間故曰塞宇玄離曰闕天謂之宇是也故陽

氣無復所立萬物窮遽遽忙也故謂之窮窮之初一日入心宿二度

初一窮其窮而民好

中

中忠信也陽位陰家君子之道也君子之道故有窮爾窮而不遺忠信之道也下從其上民之所好故好

也中測曰窮其窮情在中也

上苟不欲民之所好在忠信也

次二窮不窮

而民不中

二為小人故不以窮為窮而盜竊足已故民不忠也

測曰窮不窮詐可

隆也

不可厚行詐也

次三窮思達

三為進人而在窮世故而自思以求達道有似仲尼之畏

於匡測曰窮思達師在心也

師循也思循文王之道也

次四土不和

木科櫛

土為五也木謂三也木克於土故不和也土而不和吐生而不育故皆科枯枝葉不布亦金克

木之所致也

測曰土不和病乎民也

五為君位君而不和故民病也

次五羹

無糝其腹坎坎不失其範

範法也五為君位處於窮世世窮身約故羹無糝也土為

大腹腹大不充故坎坎也然而自約不失其法也

測曰羹無糝猶不失其正也

窮不易道
故不失也

次六山無角水無鱗困犯身

角禽也鱗魚也皆山水之所畜

而住窮世故獸魚託焉
託而無救故身犯困也

測曰山無角困百姓也

萬物窮而無託

故百姓
困者也

次七正其足蹕于狴獄三歲見錄

七火也亦稱君子之道正

直而已而以盛火為水所克世窮見克若蹕獄也三終也苟自正直終歲之間獄事究竟三槐九棘理以正曲得其情

測曰正其足險得平也

世雖窮險貴得其平也

次八涉

于霜雪纍項于郝

霜雪以喻害也八為小人人小人在上下民履害涉履其難為己之累項高

郝卑卑高不敘難之所生
故言霜雪霜雪木之害也

測曰纍項于郝亦不足生也

不敘之世不足
賢者之所生也

上九破壁毀圭曰龜生龜天禍以他金

也故稱圭壁為土所克故圭壁破也九為君子君子守義者也義然後取今在窮家羹而無糝坎坎不足故曰竈廢也竈虫也虫生於竈下不偶天禍故以他也

測曰破壁毀圭逢不幸也

圭壁

毀破故逢不幸也



三方二州三都一家

割

入玄陽家七火上下象剥卦

陰氣割物陽形縣殺七

日幾絕

行屬於火謂之割者言陰氣甚急滅割物之形體陽無所據縣絕於天地之間餘去冬至四十

九日當言七七但言七者約數之也幾近也言於此至來復之日亦近於割絕故謂之割割之初一日入尾宿

二初一割其耳目及其心腹厲

一坎也故為耳目耳目所以見于遠心腹之臣

遠施耳目以昭明境外而見割止忠言不用故厲厲危也

測曰割其耳目中無外也

耳目之臣而見割減故無外也

次二割其肱贅利以無穢

二火也火性外照陰為疾

疫故有肱贅割而去之疾除穢去無累於身故言利也

測曰割其肱贅惡不得大

也除其穢疾故惡不得大也

次三割鼻食口喪其息主

三為進人而在割損之世

苟念自進以鼻食口非益之道也君子之益隆基本上下相配也鼻者氣息之主也今而見割故喪息主也

測曰割鼻喪主損無榮也

喪身之主無榮也

次四宰割平平

四為

公侯故稱宰平平則無私家性為割割君之祿以施於下平心正意各得其所故曰平平也

測曰宰

割平平能有成也

各得其所故有成也

次五割其股肱喪其服馬

五為天子位陽家之土暗昧之主也服馬以喻臣也股肱良則庶事康令者割喪失其所任也故服馬喪也

測曰割其股肱亡大臣也

君道暗昧故大臣亡也

次六割之無創

飽于四方

宗廟之道下之所奉割損財貨以祿於下若水之性故無創也下得其道故四方飽也

測曰割之無創道可分也

以道為惠周流四方也

次七紫蜺喬雲

朋圍日其疾不割

紫蜺慶雲圍日災祥也先慶後災所以微時也七為失志故為疾陽家之

陽故不割也

測曰紫蜺喬雲不知刊也

臣之不正不知刊除也

次八割

其蠹得必疾

八稱君子感天之變知下不正而除去之則得我心所疾也

測曰割其

蠹國所便也

割去不正便於國也

上九割肉取骨滅頂于血

肉以諭民

骨以諭君九者金也割害於八家性為割益以殘賊

測

曰割肉滅血不能自全也

唯七不割故九不得獨自全也

䷌

三方二州三部二家

止

人玄陽家八木上中象艮卦

陰大止物於上陽亦止

物於下下上俱止

行屬於木謂之止者霜降氣終於此首之次八立冬節起於此首之上九

言萬物上隔於陰下歸於陽各止其所故謂之止止之初一日入尾宿六度

初一止于止內

明無咎

陰陽隔絕各止其所故能如水內自清明時行則行時止則止故無咎也

測曰止于

止智足明也

知難則止智足明也

次二車軻侯馬首止

二為平人不隱不仕

家性為止故車則軻侯而馬就止也

測曰車軻馬止不可以行也

晏然無求故不

行也次三闕其門戶用止狂蠱

三為門戶家性為止故門戶闕也蠱淫也是故重門

禁暴容闕
止狂淫也

測曰闕其門戶禦不當也

狂淫之人當禁止也

次四止

于童木求其疏穀

四為金而克於木故童木也而求其實非其時也果為疏穀也

測曰

止于童木求其窮也

求疏童木故窮也

次五柱奠廬蓋蓋車穀

均疏

五為天子位故稱車蓋奠置也柱置待廬猶置臣待君也君處重蓋之中故重言蓋也穀善也均平

也疏大也居上以道故平大也

測曰柱及蓋穀貴中也

貴處中央天之位也

次六

方輪廣軸坎軻其輿

六為上祿故有輪輿之事若齊車也七稱車六稱輿六克於七故坎

軻也測曰方輪坎軻還自震也

坎軻不安故震怖也

次七車疊其虎

馬獵其蹄止貞

虎輪也輪而見疊故云坎軻車疊馬罷故蹄獵也輪疊蹄獵不可乘行家性為

止故曰測曰車累馮獵行可鄰也車累馬罷不可以遠行止於鄰里次

八弓善反弓惡反八木也故為弓善弓反發則善反其故也詩云四矢反兮言反其故處也

惡弓者不善發則偏然反也善馬恨惡馬恨善馬常恨養不足也惡馬常恨不早除也亦以

諭臣之善惡也春秋傳曰不早為之所是也弓馬皆惡故不可用也絕弮破車終不偃止

也弓馬不良猶臣不忠直故有絕弦破車之禍也弮弦也測曰弓反馬恨終不可以

也以用也弦絕車破不可用也上九折于株木較于硤石止九為金故稱石

反八則克木高上則石困進退不宜故言較于硤石也測曰折木較石君子所止

也君子守道正其所也



三方二州
三部二家

堅

人立陽家九金
上上亦象艮卦

陰形胼冒陽喪其緒物

競堅彊

行屬於金謂之堅者胼固也緒繫也言陰氣固
盛陽失其業物競堅固故謂之堅堅之初一日

入尾宿

初一磐石固內不化貞

陽家之陽在奎之行母
子之道故石固也磐石

十度

之性不可動

測曰磐石固內不可化也

內能磐固故
不可化也

次

移故貞也

二堅白玉形內化貞

家性為堅雖克其本不能消鑠適
可鍛治以為器故內化也必成器

故貞

測曰堅白玉形變可為也

以成器物
故可為也

次三堅不凌

或泄其中

三東方也帝之所出在於堅冰之月命令當
行今行不凌故或恐陽氣泄於中也君而不

密則臣不固臣不

測曰堅不凌不能持齊也

君臣相失
故不齊正

密則身之失也

也次四小螽營營蟬其翊翊不介在堅蟬

蟬德也翊國也四為公侯

小為有國有土也小螽以諭民也民而營營須德乃安國不在大亦不在小惟德所由道正德固故在堅德也

測曰小螽營營固其氏也

氏本枝也本固則末彊也

次五翊大蟬小

虛

國小德大則民衆殷國大德小故民虛也

測曰翊大蟬小國虛空也

德不洽境

故民不足也

次六戴蟬紗紗縣于九州

六為上祿言戴德者德輕如毛民鮮能舉

之故言紗紗也以細微之德臨有九州九州之民縣命太虛故曰縣于九州也

測曰戴蟬之縣

民以康也

祐民以德故康寧也

次七堅顛觸冢

七為失志顛冢皆諭高也志失行強

故能自高堅高其行觸長若冢也

測曰堅顛觸冢不知所行也

苟能自高不如

世間之所行也

次八悃堅禍惟用解蟜之貞

東方為龍故諭以解蟜也好貞之獸

故謂之貞也堅悃其禍不能

測曰悃堅禍用直方也

蟜解

以情服唯直者而正之也

為獸知直

上九螽焚其翅喪于尸

土火入木木在火上炎焚揚起故燒九也

之方也

尸主也翅以諭民民而見

測曰螽焚其翅所憑喪也

憑民

焚君將安立故主喪也

於君君賴於民民

而見焚故主亡也

☵

三方三州一部一家

成

入玄陽家一水下象既濟卦

陰氣方消陽藏於靈物

濟成形

行屬於水謂之成者言此時陰氣方消靜於六

形體故謂之成成之初

初一成若否其用不已冥

一君子也

一日入尾宿十五度

不有其功雖有所成猶若否也
常而若否致用不已故冥也

測曰成若否所以不敗

也謙以得之故

次二成微微改改未成而殆

二火也而在於水雖當相

害家性為成成熟於物當須水火令水
在火下故言未成未成而改故殆也

測曰成微微改改

不能自遂也

未成重改故不自成遂也

次三成躍以縮成飛不逐

三為

進人故欲上躍躍而失位當反其故故以縮言之也家
性為成苟成而飛躍就尊位據有於衆人貴成功而不
追逐而責之也測曰成躍以縮成德壯也

必得高位德之壯也

次四將成

矜敗

四為公侯官亞天位據下行陽奉上猶陰臣道默從歸功於五而將自矜非道之正也

測曰

將成之矜成道病也

居下自矜道之病也

次五中成獨督大

五為天位

處中履和故曰中成尊無與比
故謂之獨董習四方故大也

測曰中成獨督能處中

也能處中央

次六成魁瑣以成獲禍

六為上祿故魁然也瑣細也六近於

五土克於水故為之瑣雖居上祿
而不崇讓必見克害故獲禍也

測曰成之魁瑣不以

讓也

功成不讓禍之招也

次七成闕補

七為失志故闕成也陽家之陽君子之道也君子之

道善於補愆故有闕則補之也

測曰成闕之補固難承也

補所愆者難承繼也

次

八時成不成天降亡貞

八木也秋之所成也秋之所成而不所成者天降災也天降之

災故曰亡貞也

測曰時成不成獨失中也

宜成不成失中正也

上九成窮

入于敗毀成君子不成

陽家之陽故稱君子君子之言示端而已也成事不說故曰不

成九為成終故曰窮也
窮當更生故小毀也

測曰成窮以毀君子以終也

終竟

成道君子之終始也



三方三州一部二家

闕

入玄陰家二火下中象噬嗑卦

陰陽交跌相闔成一其

禍泣萬物

行屬於火謂之闔者言此時陰盛陽藏交跌易位闔閉於下闔密如一萬物皆泣其禍未

除故謂之闔闔之初一日入箕宿一度

初一園方杌梲其內竅換

家性為闔當密

如一而水在火家更相克動如圓鑿方枘杌梲不安

測曰園方枘梲內相失也

枘梲

不安故相失也

次二闕無間

二火也而在其行二火合會闔密如一故無間也

測曰無

間之闕一其二也

一陽二陰道相受也

次三龍襲非其穴光亡于

室

三為龍立冬之後故襲火也念進於四故非也苟進非次失位妄據故無光榮於其室也

測曰龍

襲非穴失其常也

非穴亡室故云失常也

次四臭肥滅鼻利美貞

四為公侯五為天位天位稱肥四親近之故稱臭肥也鼻以和氣金在火家火燥於金故滅鼻也以陰求陽故利奉近尊位故美貞也

測曰滅鼻之貞沒所勞也

上附至尊故沒身不殆也

次

五齧骨折齒滿缶

四為膚五為骨骨以譚陽四為口齒之象也行克於四故齒折也五為土

器故謂之缶陽氣在下六位純陰故言滿缶言陽氣滿上下也

測曰齧骨折齒大貪利

也

下克於上故毀折也

次六飲汗吭吭得其膏滑

六為上祿汗潤澤也神靈所祐

故潤澤多吭吭然也百姓蒙福若膏澤之濡滑也

測曰飲汗吭吭道足嗜也

作福

天降故足嗜也

次七闕其差前合後離

木生於火七進得八與母同位故前合也退而

得六六水克之故後離也

測曰闕其差其合離也

進合退離位次然也

次八輔

其折虛其缺其人暉且偈

八木也在火之行火盛金衰故八輔之也金在火行故缺

小也母大以德虛之覆蔽其瑕故虛其缺也能掩二惡見已二美既有光暉當為英偈

測曰輔折

虛缺猶可善也

掩惡見美故可善也

上九陰陽啓啓其變赤白

金九

也啓開也此十月之首陰盛陽開今當襲外故開啓也金玉火廢故變赤為白也

測曰陰陽啓

啓極則反也

極陰反陽也



三方三州一詔三家

失

人少陽家三木下上象大過卦

陰大作賊陽不能得物

陷不測

行屬於木謂之失者立冬節終於此首之次一小雪氣起於此首之次二斗指亥應鍾用事言

此時陰大賊陽陽無所據二氣不和萬物之生無所測立陰陽相失故謂之失失之初一日入箕宿六度初

一刺虛滅刃

虛空也刃滿也水為簿首故謂之刺順流刺下滿滅於空虛之地也

測曰刺

虛滅刃深自幾也

深以幾微自戒也

次二藐德靈徵失

藐小貌二稱小

人故小德也靈神也徵祥也小德之人不知天命家性為失不敬靈祥故失也

測曰藐德之失

不知畏徵也

不達天命故不知畏也

次三卒而從而卹而竦而于

其心祖

從卹竦皆足憂懼憂懼卒至之貌也而辭也祖始也憂懼卒始猶可心慮三未居官而近於四

恐卒見克害故竦憂也

測曰卒而從而能自改也

見憂而改則無憂也

次四

信過不食至于側匿

四為公侯陽家之陰則為小人居位故信過也既過而失故不

食也居祿不當故有側匿也

測曰信過不食失正祿也

應食而不食故失祿也

次五黃兒以中蕃君子以之洗于愆

五為天子有輔相之臣土生於火

謂七也故言黃兒謂年老有黃髮兒齒之徵也以自蕃輔承之以正故君子洗愆也

測曰黃兒以

中過以洗也

洗垢除愆君子所以得衆也

次六滿其倉蕪其田食其

實不養其根

六為天位小人居之不修其德而據上祿倉滿田蕪百姓罷極食實困恨本基不固

家性為失失之甚也

測曰滿倉蕪田不能修本也

不田而獲本不修也

次七

疾則藥巫則酌

七為君子當反佐五忠告善道吐言如藥巫以謝闕闕除疾瘳酌以福之也

測曰疾藥巫酌禍可轉也

雖在失家以良臣自輔也

次八雌鳴于晨

牝角魚木

八為飛鳥亦為聲音故言鳴也八又陰位故謂之雌尚書曰牝雞無晨此之謂也牝宜童

而角魚宜水而木家性為失失之甚也

測曰雌鳴于晨厥正反也

緣木求魚故正

反也上九日月之逝改于尸

九為金也而在於木有克本之德陽稱君子君子之道執

行於世雖沒猶存九為失終不以年高日月已逝其有得失雖在尸樞猶念自改故曰于尸也

測曰改

于尸尚不遠也

言其志尚不以所失遠也

䷗

三方三州二部一家

劇

入玄陰家四金中下亦象大過卦

陰窮大泣陽無介僇

離之劇

行屬於金謂之劇者僇匹也離附也是時陰氣大盛奪陽之勢陽無一介以養萬物萬物附離

於陰陽方當外陰當窮說故大泣也羣匹窮

初一骨累

劇故謂之劇劇之初一日入箕宿十一度

其肉内幽

骨幹也累猶禍也幹以諭君幽内也肉以諭親小人之道而在劇家下害其上禍由其内

故言内

測曰骨累其肉賊内行也

骨肉之禍皆由内也

次二血出

幽也

之蝕凶貞

火在五行欲克於金未不克本故言血出血出以諭不順不順生災故言蝕也相克為凶

止則為貞止以相

測曰血出之蝕君子傷之也

二為君子恐傷

順故曰凶貞也

金次三酒作失德鬼睽其室

睽見也金生於水釐水加米故以酒諭家性為劇始

進之人未能蘊藉故酒失也失則為亂訟以致禍故鬼見室也

測曰酒作失德不能持

也蘊藉持已次四食于劇父母采餒若

四為中祿而在劇世故食劇也

不及亂也

餽熟食也若順也采取也美食父母之順也

測曰食劇以若為順祿也

子得天祿

父母順取也

次五出野見虛有虎牧豬捲袴與襦

五土也故稱虛四為

虎六為豬五為君位而在劇世處於政治百姓去之如虎之牧豬喻益走捲其襦袴也

測曰出野

見虛無所指足也

避世而無所錯足也

次六四國滿斯宅

六為上祿下之

所仰如水之赴海故以滿宅論也

測曰四國滿斯求安宅也

民蒙其福故安居也

次七庶而半而戴禍顏而

而辭也七為失志年過失志庶然半白而不改變故曰戴

禍禍在其顏見可知也

測曰庶而半而戴禍較也

戴禍在顏較然可見也

次

八餅疊于繻負頤

頤純也餅所以出水須繻以汲之猶君須於民以及祿也君祿養民故曰

貞純也

測曰鉞纍于繡厥職迫也

職主也迫近也金克於木迫於九也

上九

海水羣飛蔽于天杭

天杭天漢也金生於水故稱海水水羣而飛雨之象也亦猶劇世人

去其君不可掩蔽若天雨也

測曰海水羣飛終不可語也

劇世之民不可解語

而止之也

䷋

三方三州二部二家

馴

人玄陽家五土中中象坤卦

陰氣大順渾沌無端莫

見其根

行屬於土謂之馴者言陰氣已順渾沌無端包其根原故當馴撫故謂之馴馴之初一日入斗

宿四

初一黃靈幽貞馴

一為君子居土之行故謂之黃中央之色求克於一故謂之靈

馴者順從於土故幽貞也

測曰黃靈幽貞順以正也

順其性故正也

次二媿

其膏女子之勞不靜亡命

二陰也膏潤澤也陰受於陽猶臣受於君妾受於夫也靜

安也國以安則潤澤以至生育女子之勞也不安不育是亡君夫之命也

測曰媼膏之亡不

能清淨也

女子勞類故不清淨也

次三牝貞常慈衛其根

牝陰也貞正也

陰道常慈順於君則能衛其本根也

測曰牝貞常慈不忘本也

能衛其根故不忘本

也次四徇其勞不如五之豪

徇衛也四為臣道有勞能自徇衛欲人稱知之故不

如五處柔順之尚以道得衆有豪友也

測曰徇其勞伐善也

自衛其勞故伐善也次

五靈囊大包其德珍黃

五處尊位包有四方如有囊之所裹括也家性柔順故可珍愛

也測曰靈囊大包不敢自盛也

括囊其德不自盛大也

次六囊失

括泄珍器

六水也家性為順水性順下不可停貯故囊失括也括之不密珍器不固猶君不密則失

臣測曰囊失括臣口溢也

囊失括故口溢也

次七方堅犯順利

臣貞

七火也火性有恒寒暑雖至不為增減猶正直之臣堅意犯顏不變其色臣之正也

測曰方

堅犯順守正節也

固意不撓故守節也

次八馴非其正不保厥命

八木也是金之財宜當順從反順其子欲上害九子上介八遠不能救木必見克故不保其命也

測曰

馴非其正無所統一也

所順非正故一無所統也

上九馴義忘生賴

于天貞

家性為馴九為之終終於善道展義忘生必得其正唯天知之故賴于天也

測曰馴

義忘生受命必也

順而以義必受命也



三方三州
三部三家

將

人玄陰家六水
中上象未濟卦

陰氣濟物乎上陽信將

復始之乎下

行屬於水謂之將者言陰成物於上萬物
順而相將故謂之將將之初一日入斗宿

九度初一將造邪元厲

厲危也元始也一為下人造欲作
邪上侵於二火性炎上不得侵侵

而不得已自危
懼故始厲也

測曰將造邪危作主也

作主常危
故厲者也

次二

將無疵元辟

辟純也二為平人而在將大之家
故無疵瑕也人無瑕疵故大純也

測曰將

無疵易為後也

純厚之人故
易為後也

次三鑪鈞否利用止

治為
鑪陶

為鈞三為進人已見陶治當升
祿位四不可犯故利用止也

測曰鑪鈞否化內傷也

進而止恐
見傷損也

次四將飛得羽利以登于天

四為公侯當
賓于王有羽

翼之助如鳥將飛也

故為利登于天也 測曰將飛得羽其輔彊也

將飛得羽以益

也 彊次五大爵將飛拔其翮毛羽雖衆不得適

五為陰家之陽小人

之象雖在天位其道不正故稱大爵爵大人微如鳥將飛而失其翮也無翮失羽不得適也

測曰大

雀拔翮不足賴也

羽翮不足故非賴也

次六日失烈烈君子將衰

降 降下也五為日中故六為日失也烈烈盛也日之熱恒在中之後故言烈烈也日稱君子時過將暮故將

衰降也

測曰日失烈烈自光大也

雖衰猶烈故大也

次七跌船跋

車其害不遐

七為失志船車載治之具賢者亦治世之具也失志之王故踰跌之不親治正故害

不遠也

測曰跌船跋車不遠害也

棄治之具害自已招故不遠也

次八小

子在淵丈人播船

八木也故稱船為舟父故稱丈人小子謂百姓也在禍難中若在淵也丈

人播船而濟之猶以禮義濟於世也

測曰丈人播船濟溺世也

濟溺之急唯船是用

丈人得之也

上九紅蠶緣于枯桑其繭不黃

九為毛蟲故為蠶蠶之初生有

之也

毛為老故謂紅桑謂八也為九所克故枯也在八之上

故緣也蠶須桑民須食老蠶遇枯故紅繭不黃也食紫

桑者其繭黃

測曰緣于枯桑蠶功敗也

大而緣走故敗也

可絃琴瑟也



三方三州難人玄陽家七火

陰氣方難水凝地拆陽

弱於淵

行屬於火謂之難者大雪之節陰氣亢極水凝地拆陰極陽生方當龍變度難却而已故謂之

難難之初一日

初一難我冥冥

初九將起難却羣陰而

入斗宿十三度

上今尚在地下故言難

我冥冥也我
謂陰氣也

測曰難我冥冥未見形也

尚在地下故

次

二凍冰瀆狂馬槁木

瀆敗也冰而得火故敗也二為馬火中之馬若狂之象也槁差也湯

在木下差次當上故言差木也

測曰狂馬槁木妄生也

氣遠來復如妄生也

次三

中堅剛難于非常

首居寒難家性屬火木當是時枝葉搖落復為火所燥故中堅剛也陰氣

極盛陽未發生難非常也

測曰中堅剛終莫傾也

雖為陰困未終不傾也

次四

卵破石卵

四為雞故稱卵卵在金石之間故破也卵陰物也為陽所亂故破也

測曰卵破

之暇小人難也

卵而暇敗故大也

次五難無間雖大不勤

五為天位

而在難世重門居尊不可得泄故無間也居上臨下下之所奉故不勤也

測曰難無間中密

塞也

重門自固故中密也

次六大車川川上較于山下觸于川

六為

上祿故乘大車也上則較山謂九在上也川川重遲之貌也下觸于川謂車非水物也

測曰大車

川川上下較也

較于山川者也

次七拔石砢砢力沒以盡

石以諭難

砢砢難致之貌此難世也失志之王不可輔正雖當託忠砢砢如石非才所堪故力盡也

測曰拔石

砢砢乘時也

乘於時難故力盡也

次八觸石決木維折角

陰為石陽氣當

上觸陰而進故觸石也八為龍木當用事金克於木故折角也

測曰觸石決木非所治

也

以弱治剛故非所任也

上九角解豸終以直其有施

解豸直獸也有疑則

以角觸之乃別其曲直也而終為人別曲直故可施行也

測曰角解豸終以直之也

稟性平直
終不曲也

☳ 三方三州
三部二家
勤 上中象坎卦

大陰凍沍難創於外微陽

邱冥膂力於內

行屬於木謂之勤者言是時陰氣无壯陽從九天當下於泉將甚勤勞故謂之

勤勤之初一日
斗宿十八度
初一勤于心否貞

水出於泉而流百川晝夜不舍實勞其心

故勤于心也陰當降退
故否陽正當上故貞也

測曰勤否貞中不正也

水唯赴下無常

正也
次二勞有恩勤慳慳君子有中

二火也子在母行母氏勞苦勞而不怨慳

慳之意也慳慳信慳之貌
君子信慳故有中誠也

測曰勞有恩勤有諸情也

思勤

之意情
有之也

次三羈角之吾其泣呱呱未得緼杖

吾者我也我謂二也

二為三子而見羈角不枝不求何用不滅義不犯難故泣呱呱也幼者宜強老者宜扶勤苦之家故未得也

測曰羈角之吾不得命也

更相羈角不得尊者之命也

次四勤于力

故倍忘食大人有克

克勝也四為公侯而在勤家故勤其力故心倍意忘食奉時雖大人

者亦不能勝也

測曰勤力忘食大人德也

人生在勤以成大人之美德也

次五

往蹇蹇禍邇福遠

五為天位蹇蹇平直也蒙性為勤念相勤邇六水近五見克為禍故禍近

也七生於金故福遠也

測曰往之蹇蹇遠乎福也

言所福者遠在九也

次六

勤有成功幾于天

六為宗廟下之所奉勤苦之世故有成功成身退近得天福故幾于天

也測曰勤有成功天所來輔也

天之所助來賢輔也

次七勞老不得

其鼻于尾弊

七為繩故牽也午為馬馬牛之類也牽牛不得其鼻而尾者故勞弊也

測曰勞

牽之弊其道逆也

舍鼻取尾故逆也

次八勞踏踏心爽蒙柴不

却

踏踏慙媿貌也爽差也八為疾癘年老抱疾故有慙也老木稱柴心雖差忒蒙柴自終不忒也

測曰

勞踏踏躬殉國也

殉衛也勤力之家以身衛國也

上九其勤其勤抱車

入淵負舟上山

家性為勤九為之終終於勤苦之事舟反上山車反入淵反覆之難故重其勤

也

測曰其勤其勤勞不得也

車淵舟山不得其所之也

䷗

三方三州三部三家

養

人主陽家九金上上象頤卦

陰弼于野陽蒞萬物赤

之於下

行屬於金謂之養者言是時陰氣盛極陽氣隱藏淵深萬物之根芽使皆芽赤於地下養長使

出故謂之養養之初一日入斗宿二十二度

初一藏心于淵美厥靈根

美茂也水

最在下故為淵靈根道德也家性為養養神於淵道德彌盛故茂也

測曰藏心于淵神不

外也

在於淵中故不外也

次二墨養邪元函否貞

貞正也元始也函容也二者陰

位故稱墨也火在金行恐見克害故言養邪始見容蓋故貞終也不相讓故否也

測曰墨養邪

中心敗也

邪於中故心敗也

次三糞以肥丘育厥根莖

三木也火生土

故三為肥丘木生肥丘根莖見育育猶君子以義化人人得以如草木之生肥丘也

測曰糞以肥

丘中光大也

民蒙君化故光大也

次四燕食扁扁其志僂僂利用

征賈

四為公侯之位陽家之陰又稱小人小人而居大位不能以正扁扁若燕既飛且食或得或失僂僂

然也兌為口舌故利行賈明

測曰燕食扁扁志在賴也

非王臣王臣尚蹇蹇然也

賴利也志在於利欲也

次五黃心在腹白骨生肉孚德不復

五為天位

多色稱腹在中為黃陽為

測曰黃心在腹上得天也

而君

白骨能生肉也信不復也

測曰黃心在腹上得天也而

黃心黃中通理

次六次次一日三餽祇牛之兆肥不利

得天之心也

六為宗廟次次次睢不安之貌也祭祀之事惟疎惟懼

猶不可數數則致瀆瀆則不敬家性為養雖當養神一

日三餽猶為數也是養牛測曰次次之餽肥無身也

已卜

之肥卜之已兆無所利也

測曰次次之餽肥無身也

之牛待肥則

次七小子牽象婦人微猛君子養病

謂小六

用故無身也

也婦人謂四也五為中六牽之也三為虎而四在前故

微星之也故七為君子六四勞病故七養之馳騁發狂

也 故病

測曰牽象養病不相因也

小子婦人各不相因緣也

次八鯁不

脫毒疾發鬼上壘

六為疾癰小人居之故有鯁害不脫之疾鯁而不脫故毒發也木近於金

當見克害害人為鬼故鬼上壘也

測曰鯁疾之發歸于墳也

疫發鬼見故歸於墳

也

上九星如歲如復繼之初

九為金石之精上為星宿之相次如歲月之相

襲新故相易周而復始後嗣之君復為之初初為故也先後相傳終始相扶以道相養轉相迎致百世不遷玄之道

測曰星如歲如終始養也

終始相養不相越失也

躋贊一

屬水象閏

凍登赤天晏入玄泉

一水也而次於九者金所生也言玄道相

襲不常所終而已故益之以水火歲之數故有二贊凍至寒也而天至高也晏至熱也而泉至深也以井中

之凍知天日之熱以卑知高氣應然也水王於天建測
子之月寒而登天熱而入泉以避其害無怪異也

曰凍登赤天陰作首也

凍在天上

贏贊二

屬火象閏

一虛一

贏踦奇所生

二南方也盛夏之時萬物所長而繼之養首下者言當養盛萬物也晝夜贏虛踦奇

其數以滿三百六十五日四分日之一一贏虛之所生也
玄有三方九州二十七部八十一家二百四十三表七
百二十九贊而生二萬六千二百四十四策以周三百
六十五日四分日之一七十二策為二日故得一三百
六十四日有半不起四分日之三應得五十有四策乃
成之耳故有水火二贊以合歲之日也如此則歲盡於
亥及子復生矣也

測曰虛贏踦踦禪無已也

陰極陽生更相禪代無窮已也

太玄經卷六

欽定四庫全書薈要卷一萬二百十八

子部

太玄經卷七

漢 楊雄 撰

晉 范望 注

玄衝第七

中則陽始

始於子也

應則陰生

生於午也

周復乎德

在陽方也

迎逆乎

刑

居殺鄉也

殲大戚

難致憂也

遇小願

得所求也

閑孤

道閑塞也

而竈鄰

養致

福也

少微也

得寒氣也

大肥也

陽日逝也

戾內反

二氣乖也

廊外違

陰陽離也

上觸素

物初生也

文多故

須飭成也

干狂也

道不順也

禮方也

事之常也

矧

則來陽氣也而逃則亡物退藏也羨私曲行不廣也唐公而無欲大

蕩差過也不齊也而常穀善之常也童寡有物蒙蒙寡有識也而度無

乏施不窮也增始昌萬物息也而永極長文武德也銳執一生不也而昆

大同衆所庇也達日益其類陽氣暖也減日損其彙與達反也交相從

也二氣交泰也嗟不通也陰不化陽不通也夷有畏見難縮也守不可

攻門戶密也僣也出待時動也翕也入退不往也從散也取其中也而聚集

也物用崇也進多謀計所從也積多財物歸載也釋推也物始變也飾衰也

不進也格好也是陰也而疑惡也非陰克陽故惡夷平物易

直而視傾陰氣息也樂上揚陽出中也沉下藏萬物喜樂陽氣上而清明羣類湮沉

陽氣而藏肅殺志玄宮也爭士齊也各自矜也內女懷也人之情也務則熹勉自

強熹為也而去則悲失故鄉也事尚作萬物各致其力也晦尚休冬物靜也更

變而共笑彼自改故喜而笑也曹久而益憂闇致咎也斷多事平是非也窮

無喜多所悲也毅敢果不疑也而割憊困於時也裝徙鄉陰欲去也止不行

二氣往也衆溫柔立夏節也堅寒剛亦立冬也密不可聞陽親天也成不可

更物形堅也親親乎善陽氣仁愛也闕闕乎思萬物察也斂也得物所聚也

失亡福惡之府也彊善不倦乾行健也劇惡不息陰凌陽也晬君道也

陽氣純也 馴臣保也 奉其盛壯 將老也 陽之窮也 居得乎位

物有難遇乎詘 陽溺也 法易與天下同也 天下之事同法式也 勤苦

而無功也 徒費力也 養受羣餘君子養小人養凶也 終

於養故曰羣餘也 陽以為吉陰以為凶君子小人較可知也

玄錯第八 錯雜也雜而說之也

中始周旋 玄始於中首至周首而旋復也 美曲毅端 行不正故曲也毅信其志直為端也

晬文之道或淳或班 淳晬其道班有文也 彊也健 不休也 僊也弱 有

須積也多 積蓄盛也 而少也約 謙不盈也 視也見 物所形也 而晦也

瞽

世不明也童無知小也

盛而有餘

氣壯也

去離故

他從也

而將

來

初窮也

大也

外陰在中也

而翕也

內物降也

而進

陽氣也

而

也

退見難而縮也

樂佚過

物以長也

勤蹶蹶

勞無常也

達思通

道相致也

窮

思

索萬物也

干在朝

物始出也

而內在席

陽藏鬱也

差自憎

過為惡也

飾

自

好人所擇也

格不容

而昆寬裕增日益而減日損

馴奉令

臣所制也

而戾相反

乖於事也

釋也柔

物脫枯也

而堅也剛

下剛以革姦也

夷

平

易氣所傷也

而難頡頏

非其常也

斷多決

重以方也

而疑猶與

嘗節量也

逃

有避陽害也

爭有趣

物相貪也

進欲行

萬物褒也

止欲驚

上下違也

廓

無方

不限疆域也

務無二

心專一也

應也今

權時宜也

而度也古

權不達也

迎知前

氣相承也

永見後

事長久也

從也牽

物趨陽也

守也固

不可攻也

拔難

宜大人也

劇無赦

臣困君也

唐蕩蕩

公無私也

而閑瘞塞

陰陽離也

更

造新

變形勢也

常因故

不改計也

失大亡

物淪退也

斂小得

陰聚內也

竈好

利

養無窮也

法惡刻

正不中也

禮也都

動合儀也

而居也室

人所歸也

聚事

虛

地上將虛陰所收物也

眾事實

物充多也

闕也皆合二

陰陽雜也

而密也

成用一

二氣和也

上志高

陽登起也

沉志下

相思待也

交多友

人所敬也

咍

少與

儉且吝也

銳鋤鋤

進無二也

曹劄跂

行進也

親附疏

重宗因也

割犯

血

不隱親也

遇逢難

陰害陽也

裝候時

徒故事鄉也

事自竭

致其力也

養自茲

祿無極也除有格昆增減成五首不在錯中目錄曰八十一首錯相成也如此明當有之今而不見愚意以為

玄更二漢宋陸二家以格也乖而昆也同增有益而減

有損成者功就不可易也

宋仲子云雄本不書此五首自格至成宋仲子添之陸云

格昆增減脫誤審也陸釋自有成首云成者功就不可體也

玄攤第九

攤張也言張舒其大目也

玄者幽攤萬類而不見形者也

幽深也攤張也萬類萬物之類也言玄幽冥深

遠故張舒萬物之類然而不見其形者也

資陶虛無而生乎規

資取也陶養也虛空也無

無形也規圓也玄取象天地空虛無形之氣推積為一以九數得萬物數以為玄形故曰生規天規圓也攔

神明而定摹

攔關也若手相關付故字有手也摹數也玄乃關天地神明之事以定於一運九數

其道分明若手相關付故曰而定數也

通同古今以開類

古謂庖犧今即隨世也玄乃繇

絡於天地通古今之器開陰陽之氣同萬物之類也攤措陰陽而發氣

措猶設也謂張設陰

陽之道以發休咎之氣也

一判一合天地備矣

判謂純陰純陽也合謂陰陽交錯開陰陽

交錯以生萬物備滿於天地之間也合俗云夫婦判合此之謂也

天日迴行剛柔接矣

迴猶運也天運如西日運如東天日還復其所終始定

還復其所終始定

矣所謂天晝夜運行周而復始故言還復其一生一死性所也行無遲疾度不叅差故終始定也

命瑩矣

瑩明也上句說天及日此句言生死正謂月之晦明生死之道晦明得度天之性命可謂明也

仰以觀乎象俯以視乎情

仰觀俯視天之形象地之情性皆可知也

察性知

命原始見終

言當詳察太玄性命天地人之道終始可見也

三儀同科厚薄相

廟

三儀謂天地人也科法也厚薄謂陰陽也陰濁故厚陽清故薄陰陽相廟以生萬物天人同法而養制也

圜則杌梲方則嗇玄

圜謂天也天動故杌梲方謂地也易曰坤為羝嗇主收藏此之謂也

噓則流體噓則凝形

噓謂呼也噓猶噓也呼謂之陽噓謂之陰春陽之氣流潤萬物之形

體冬陰則凝滯而成形也

是故闔天謂之宇闔宇謂之宙

闔天地晝夜之稱謂

之為宇如屋宇之所覆也闔謂開天地晝夜之稱爾宙猶暢也宇之開闔明暢於天下也

日月往來

一寒一暑

日月往來於天以寒暑成歲也

律則成物歷則編時

律謂六律也陽

為律陰為呂物以陽成故曰成物也歷謂治歷明時編次歲事也

律歷交道聖人以謀

道謂天地陰陽之道也律以候氣歷以編時敬授民事則聖人之所詔謀也聖人謂若堯命羲和之類也 晝

以好之夜以醜之

好事在晝醜事在夜醜好遘雜萬物化生也

一晝一夜陰

陽分索

陰則為夜陽則為晝索數也夜分為別以分四時也

夜道極陰晝道極陽

夜極為晝晝極為夜牝牡羣貞以攤吉凶

貞正也陰為牝陽為牡陰

陽牝牡萬物化生各得其正 則君臣父子夫婦之道辯

矣 辯別也如此則人道 是故日動而東天動而西天日

錯行陰陽更巡

巡行也日天錯行陰陽更用事也

死生相掇萬物乃纏

掇謂相授也纏謂纏綿也上句言天日之宜此言死生知說月也月明生而魄死魄生而明死死生之相掇授

故萬物亦纏綿而成就也故玄者聘天下之合而連之者也

聘求也求取天

下之合謂五位相合於五方而運之以成經文綴之以其類占之以其觚

觚法也綴

繫之以其類謂五行相生萬物之類也占之以法謂經緯之休咎也曉天下之瞶瞶瑩天

下之晦晦者其唯玄乎

數之也

夫玄晦其位而冥其眡深

其阜而眇其根穰其功而幽其所以然者也

眡界也大陸曰阜眇

微也幽冥也言玄道微眇闇其經界深其根本不語其功幽冥其所以然者以見其弘遠也

故玄卓

然示人遠矣曠然廓人大矣淵然引人深矣渺然絕人

眇矣

皆歎美之言也

嘿而該之者玄也

該兼也兼明天地之道也

擇而散之

者人也

言玄兼天地陰陽之道後世之人必有散而用之也

稽其門闢其戶叩其

鍵然後乃應

稽猶叩也闢開也鍵閉也開門叩鍵乃知玄道如人號呼之相應也

況其否

者乎

否不也至門叩鍵然後玄應之況於不為玄者乎

人之所好而不足者善

也人之所醜而有餘者惡也君子日彊其所不足而拂

其所有餘則玄之道幾矣

幾近也拂除也除惡從善近於玄道

仰而視之

在乎上俯而窺之在乎下企而望之在乎前棄而忘之

在乎後

人能弘道非道弘人也

欲違則不能嘿則得其所者玄也

違猶去也人之近玄亦近之欲去則不能也

故玄者用

之至也見而知之者智也

言玄為天下之至用見物而知其休咎玄之智也

視

而愛之者仁也

視而愛之是玄之仁也

斷而決之者勇也

言玄而斷決天

下之疑而玄之勇也

兼制而博用者公也

博大也兼制天下之萬物大為百姓之用者公

無所私也能以偶物者通也

偶配也以二萬六千二百四十筭以配萬物牝牡之數所以

通天下之事也

無所繫較者聖也

平易於世以成聖人之名

時與不時者命

也聖人無所繫較於天命也

虛形萬物所道之謂道也

虛空

也空無形象而萬物由之而出
故謂之道道可道法之而用也

因循無革天下之理得

之謂德也

革更也因緣天地自然之性無所改更而得
其理者故謂之德德者得人及物之謂也

理生昆羣兼愛之謂仁也

昆同也同愛天下之物無有
偏私故謂之仁仁者仁愛之

及物列敵度宜之謂義也

敵匹也列序也序其彙匹度
時之宜而處者故謂之義義

者宜人及物也

秉道德仁義而施之之謂業也

秉執也執此四
者而施行之於

世人道之大業也

瑩天功明萬物之謂陽也

瑩明也而明天之
功使萬物光明者

太陽之氣也

幽無形深不測之謂陰也

配於陽知陽而不知
陽也

陰陰知陰而不知陽

陽起於子陰起於午二
氣迭興故不相知也

知陰知陽

知止知行知晦知明者其唯玄乎玄以陰陽為本非玄其孰能兼知也縣

之者權也平之者衡也玄之稱物平施如權衡也濁者使清險者使

平而使萬物清平者其唯玄乎也離乎情者必著乎偽離乎偽者必著

乎情情實偽虛也離情偽相盪而君子小人之道較然著也著附也

見矣盪謂盪濯君子小人較然自見者也玄者以衡量者也平量天下之事者其唯玄

乎高者下之謂中首之上九顛靈氣形反之辭也卑者舉之謂周首之初一還于天心

之饒者取之謂中首之次六月闕其傳之辭也罄者與之謂少首之次七貧自究利

用見富明者定之謂中首之次五日疑者提之提猶正也之辭也正于天之辭也

首之次五大小

規之者思也

謂上首之次三思其珍穀之辭

立之者事

也

謂事首之次五事其事王假之食之辭也無事則不食其祿故立之宜有事也

說之者辯也

辯別也九贊之辭是以辯其休咎也

成之者信也

不信不立故以成信也

夫天宙然

示人神矣

闢宇謂之宙天之開闢以昭萬物故為神

夫地他然示人明矣

猶他

泰也泰然示人之明也

天地奠位神明通氣

奠定也二位定故神通也

有一有

二有三

天地人三位也

位各殊輩回行九區終始連屬上下無

隅

殊異也輩類也區虛也隅廉也從一至九各自異位故曰九區九區猶易六虛也周而復始故曰無隅如

圖之象不見其廉角也

察龍虎之文觀鳥龜之理

龍虎為東西鳥龜為南北南北

為經東西為緯觀察運諸泰政繫之泰始極焉泰政日月五星

也泰始謂玄中首初一也極中以通璇璣之統正玉衡

之平璇璣斗魁也玉衡其杓也第一星為樞二為璇三為璣四為權五為衡六為開陽七為搖光通其統

以達於養皆不失其圜方之相研剛柔之相干圜天也方地也

天地相研以成歲事非一朝也故以研言之剛柔晝夜也易曰剛柔者晝夜之象晝夜相干以成萬物也盛

則人衰窮則更生物盛則衰玄窮則變有實有虛流止無常天地虛羸

或流或止故夫天地設故貴賤序易所謂天尊地卑貴賤位者也四時

行故父子繼五行相生父子相繼之道律歷陳故君臣理律和氣於上歷正時

於下律歷見故君臣之事理也

常變錯故百事折

錯雜也常謂天地日月星辰也變謂四時

變改也常變而不變四時雜亂故曰百事分折

質文形故有無明

質文見故有無可明知也

吉凶見故善否著

吉見晝凶見夜則善不善顯著矣

虛實盪故萬物纏

陰為虛陽為實盪動也陰陽相動故萬物纏綿而生

陽不極則陰不萌陰不極則

陽不牙

陰萌於五月陽牙於十一月

極寒生熱極熱生寒信道致訕

訕道致信

屈以求伸盛極則衰也

其動也日造其所無而好其所

新

日知其所無無忘其所能天地人之事也

其靜也日減其所有而損其所

成

靜謂怠也倦怠如成其事者天地人之所不能也

故推之以刻叅之以晷反

覆其序軫轉其道也

刻漏刻也以漏刻分日之晝夜晷景度如二至之數返覆次序展轉

運邁也以成歲也

以見不見之形抽不抽之緒與萬類相連也

抽出

也緒業也言天地陰陽不可得形而數故推之漏刻度之晷景以見其形以出其業萬物之類至於死生更相

連襲

其上也縣天下也淪淵纖也入歲廣也包畛

皆大美玄

之其道游冥而挹盈

言玄游幽冥之中損抑盈施以兼自約也

存存而亡亡

微微而章章始始而終終

各隨其事

近玄者玄亦近之遠玄

者玄亦遠之譬若天蒼蒼然在於東面南面西面北面

仰而無不在焉及其俛則不見也

蒼蒼者春天之色也不稱四時以春為大

也言天仰則見之俛則不見亦猶近玄玄亦近之也天豈去人哉人自去也亦謂遠玄

之也玄亦遠冬至及夜半以後者近玄之象也進而未極往

而未至虛而未滿故謂之近玄玄道好謙常自重虛故以未極未至未滿為近

斗玄玄亦始於子冬至夏至及日中以後者遠玄之象也斗指子夜半時加子

進極而退往窮而還已滿而損故謂之遠玄玄道惡盈故以已極

已滿為遠玄玄亦始於午夏日一南而萬物死日一北至斗指於午日中時加午

而萬物生謂夏至日南在東井萬物向死也斗一北而

萬物虛斗一南而萬物盈斗指亥子寒氣殺物常焚宿菜故言虛也斗行巳午溫氣

長物數枝布日之南也右行而左還斗之南也左行而

葉故盈也

右還日之至南行由西方故言右還從東方故言左旋也斗之至南行由東方故言左還從西方故言右

也旋或左或右或死或生神靈合謀天地乃并天神而地

靈

也天地合會而相并謀謂十一月冬至時也陰陽相薄於黃泉之中故曰合謀也

玄瑩第十

瑩者明也所以明玄之大體也亦象易之上繫詞也

天地開闢宇宙拓坦

闔闔天謂之宇闔宇謂之宙言天地開闔已來晝夜相推如屋宇之普

覆宙暢於天內拓廣而坦明者也

天元咫尺步日月紀數

八寸為咫尺為步玄起於天

元甲子朔旦冬至始於牽牛之初自咫尺及步運行不息周天三百六十五度四分度之一三十日為月十二月

為歲故加閏以定四時故日月紀數也

周渾厯紀羣倫品庶

渾運也周運律厯應三統

之數品物庶類羣黨衆盛也

或合或離或羸或踦

踦不足也羸有餘也日月之行有離

合陰陽之數有羸虛天道自然不可為典要也

故曰假哉天地啗函啓化罔裕

於玄

假大也啗含也函容也大哉天地包容萬物開化成務自然有裕於玄道也

終始幽明

表贊神靈

幽謂陰也明謂陽也言玄終始於陰陽之事以表贊於天地也天神而地靈也

太陽

乘陰萬物該兼

謂夏四月也謂陽乘諸陰故萬物族類該盡而兼生也

周流九虛

而禍福絪羅

九虛九贊之位也列貴賤者存乎位也凡九贊成位而禍福見也絪羅猶流離也

十有二始羣倫抽緒

始朔也一歲十二月故十二始抽猶收也言陰陽迭興於十二月朔

之中羣倫各收其業以成歲事也

故有一二三以絺以羅玄術瑩之天一

二地三人也兼三材而玄名之以離於九贊之位玄術之所瑩明也

鴻本五行九位施重

上下相因醜在其中玄術瑩之

鴻大也言玄大本起於五行以施九重之位上

下相因品物醜類皆在其

天園地方極植中央動以歷

靜時乘十二以建七政玄術瑩之

極北極也處天地之中衆星所繫天之變

動以歷安之七政日月五星也運周於天

加斗振天而

進日違天而退或振或違以立五紀玄術瑩之

振動也斗之衡

隨天動左回故言進也日之行右回故言退也進動相錯違五紀以立亦太玄之所明也

植表施景

揄漏率刻昏明考中作者以戒玄術瑩之

植立也立八尺之表表立

則景施故言景施以土圭度之以定二至冬至之景丈有二尺夏至之景尺有五寸二至得矣揄猶寫也寫水下漏審刻知時考知昏明以正中星冷竹為管室灰為

候以揆百度百度既設濟民不誤玄術瑩之

冷黃帝時冷倫到大

夏西取竹斷以為十二管吹而聽之各有寸數聲有大小以應月氣又置於深室實以葶灰穀蒙其口以候十二月氣氣至者則灰飛也月氣効東西為緯南北為經

則百事序以濟於民無失誤也

經緯交錯邪正以分吉凶以形玄術瑩之

天長南北而短東西故長

為經短為緯也交錯以成文章鑿井澹水鑽火難木流

文章成故邪正分吉凶見也

金陶土以和五美五美之資以資百體玄術瑩之

五美五行

之美也水火既有折木陶土鑠金流範資成百體也百體既成民並用之玄所明也奇以數陽偶

以數陰奇偶推演以計天下玄術瑩之

奇以數陽一三五七九偶以數

陰二四六八十也推此而演之天下之計可知者也

六始為律六間為呂律呂既

協十二以調日辰以數玄術瑩之

陽為始陰為間於子為律於丑為呂故言

六始六間也協和也陰陽既和律呂以調日月辰極不失數度亦玄所明也

方州部家八十

一所畫下中上以表四海玄術瑩之

謂玄有八十一家九贊之位三分為

下中上位有貴賤以表明四海之事也

一辟三公九卿二十七大夫八十

一元士少則制衆無則治有玄術瑩之

辟君也以象一
玄有三方九州

二十七部八
十一家也

古者不遽不虞慢其思慮匪筮匪卜吉凶

交瀆於是聖人乃作著龜鑽精倚神箱知休咎玄術瑩

之遽怒也虞憂也言上古無所喜怒無所憂念故蕩然
慢易無所思慮瀆泄也無卜筮之事故言吉凶交相

泄也聖人為庖犧也箱求也作著龜卜筮鑽精
達微依倚神靈神而為辭以別吉凶之事也

是故欲

知不可知則擬之以乎卦兆

以卦兆之繇準擬
之以定所疑者也

測深摹

遠則索之以乎思慮

卦兆既見思
慮以決之也

二者其以精立乎

二者

為思慮也非精
則思慮不定也

夫精以卜筮神動其變精以思慮謀合

其適精以立正莫之能仆精以有守莫之能奪故夫抽

天下之蔓蔓散天下之混混者非精其孰能之

蔓蔓混混難察

之事也非精誠之至孰能抽散之乎夫作者貴其有循而體自然也

言夫作者

無所指斥也孔子曰述而不作有所因循而體正自然之事也見玄體述陰陽不虛造也其所循也

大則其體也壯其所循也小則其體也瘠其所循也直

則其體也渾其所循也曲則其體也散

言隨其大小體不離其本也循

其直事故體渾渾然也故不擢所有不彊所無譬諸身增則贅而

割則虧

擢去也言述而不作有則循而言之無則不遷所益猶人身體不可損益也

故質幹

在乎自然華藻在乎人事

言述作者以質幹而已雖人加之以華文亦其人事

事也具可損益歟

言世之人事多華藻述作者可損益以為本也

夫一一所以

摹始而測深也

一一起於黃泉故為之始在泉之中故測深也

三三所以盡終

而極崇也

三三者九贊之終故言盡終也莫過乎九故極崇者也

二二所以參事

而要中也

二二謂五也五為天位參和萬機之事要天下之中兼於經緯者也

人道象焉

務其事而不務其辭

上三句是也雖以事實為務不尚文辭

多其變而不

多其文也

多其變謂三玄各二十七變也

不約則其指不

詳不要則其應不博不渾則其事不散不沉則其意不

見夫事不伏不飛不要不是故文以見乎質辭以睹乎

舒也故渾沉以求散見

情

無文無以見質無辭無以見情情不可一也

觀其施辭則其心之所欲者

見矣

謂天地人萬物進退之心皆見於中矣

夫道有因有循有革有化

冬言

有不死之草謂有因也根生於木謂有循也

因而循之

焚除宿草謂有革也應變為鳩謂有化也

因而循之

與道神之

因循得理與道通神

革而化之與時宜之

隨時宜之

故因而

能革天道乃得革而能因天道乃馴

馴順也道貴因緣而順從

夫物

不因不生

謂因陳以生新

不革不成

謂改柯以成實也

故知因而不知

革物失其則知革而不知因物失其均革之匪時

時天時也

物失其基

不時天時失基業也

因之匪理

失地也

物喪其紀

失紀綱也

因

革乎因革國家之矩范也矩范之動成敗之效也

范法也道

貴因緣而革之此乃國家之矩法成敗之效事不可不慎也

立天之經曰陰與陽形

地之緯曰從與橫

南北為從東西為橫故詩人蓺麻衡從是也

表人之行曰

晦與明

晦明別賢愚也

陰陽曰合其判

陰陽判合以生萬物也

從橫曰緯

其經

經之須緯以成文章也

晦明曰別其材

別賢愚人材可知也

陰陽該極

也

該盡天地莫過陰陽

經緯所遇也

東西南北在遇逢也

晦明質性也

受之於天

不可移也陽不陰無與合其施

相須以成歲

經不緯無以成其誼

相須以成天
地文章之誼
明不晦無以別其德
無晦無以別明也
陰陽所以

抽嘖也
嘖情也陰陽所出萬物之情也
從橫所以瑩理也
足以明天地之理
明

晦所以昭事也
別賢愚之事也
嘖情也抽理也瑩事也昭君子

之道也
能審此者得之君國子民之道
往來熏熏得亡之門
此交首次四之贊辭

也禮尚往來相交以禮則得福不以禮則亡也
夫何得何亡得福而亡禍也天

地福順而禍逆山川福庫而禍高
山高或崩川高或圯
人道福正

而禍邪故君子內正而外馴每以下人是以動得福而

亡禍也福不醜不能生禍
醜惡也福極則禍應福兮禍所伏也
禍不好不

能成福

既得禍常奉之以禮故能成福

醜好乎醜好乎醜好君子所以

亶表也

亶盡也表章也醜好以別人之大倫故三言以爲重戒君子必能別此醜好而行之所以盡章

顯人之善惡也

夫福樂終而禍憂始

禍終於樂福始於憂

天地所貴曰福

鬼神所祐曰福人道所喜曰福其所賤在惡皆曰禍

天地

鬼神人道莫貴於福莫賤於禍

故惡福甚者其禍亢

甚惡於福故禍亢也亢極也七八皆

爲畫人之禍少夜人之禍多

畫爲陽夜爲陰陰凶故禍多陽吉故禍少也易曰坎

爲盜水夜行也

晝夜散者其禍福雜

散猶雜也晝以別福夜以別禍雜以

晝夜者無以紀知其善惡故禍福雜錯不可限也

太玄經卷七

謹案卷五第一頁前六行立秋氣終於昆首刊本
昆訛此據晁說之易玄星紀譜改

第二頁前四行盈則損之刊本盈訛每據趙如源
本改

第二頁後四行日入軫宿二度也刊本二訛三據
晁說之易玄星紀譜改

第三頁後二行庶獲其福刊本福訛禍據趙如源
本改

第五頁前五行故謂之翕刊本謂訛為今改

第六頁前二行故鴻翼也刊本鴻翼訛翼鴻據經

文改

第十二頁前一行上上刊本訛上下據晁說之易

玄星紀譜改

第十三頁後八行沈于美刊本美訛矢據贊辭及

趙如源本改

第十五頁前一行火為之娶春秋傳火水娶也刊本

上火字訛文也字訛在傳字上據昭公四年左氏傳改正

第十五頁前二行執匹也謹其娶匹刊本二匹字俱訛正據玉篇廣韻改

第十六頁前七行三木刊本木訛水據晁說之易玄星紀譜改

第十六頁後五行五為堂刊本堂訛當今改

卷六第七頁前一行上上刊本訛上中據晁說之

易玄星紀譜改

第十二頁前五行為失終刊本終訛於據趙如源本改

第十三頁後七行日入斗宿四度刊本四訛三據晁說之易玄星紀譜改

第十七頁前五行維折角按趙如源本維下有新字與此異

第十七頁後二行大陰凍沍刊本脫大字據趙如

源本增

第二十頁後五行七百二十九贊而生二萬六千二百四十四策刊本九訛一二萬訛三萬據漢書揚雄傳及文獻通考改

卷七第三頁前七行而難頡頏刊本頡訛頡據趙如源本改

第三頁後三行而閑瘞塞刊本瘞訛瘞據卷末釋音改

第三頁後八行重宗因也刊本因訛細今改

第四頁前二行祿無極也刊本祿訛禪據趙如源

本改

第八頁前七行月闕其博之辭也刊本博訛博據

卷末釋音改


第十二頁後二行揄猶寫也刊本揄訛俞據經文
及卷末釋音改

第十三頁前二行水火既有刊本火訛水據趙如

源本改

第十四頁後六行務其事而不務其辭刊本上務
字脫據本注及趙如源本增





總校官中書臣吳紹潔

校對官檢討臣李學錦

騰錄貢生臣王詢